



ル 5  
2537  
12



門外名  
號 2587  
卷 20-12

日下舊聞卷二十三

郊坰五

西山在府西三十里為太行山之首

紀纂淵海

西山來自太行連岡疊岫上干雲霄挹抱廻環爭奇獻

秀值大雪初霽疑華積素若屑瓊雕玉千巖萬壑宛然

圖畫

戴司成集

西山內接太行外屬諸邊磅礴數千里林麓蒼黝谿澗

鏤錯其中物產甚饒古稱神臯奧區也盧溝琉璃胡良

三橋山水所洩多歸其中其水皆藻綠異常風日蕩漾

水葉迺映倚闌流覽令人欣然有欲賦京都之意

西遷

西山諸蘭若白塔無慮數十與山隈青靄相間流泉滿



道或注荒池或伏草逕或散漫塵沙  
碧樹花香鳥聲秋則亂葉飄丹冬則積雪凝素信足賞  
心而雪景尤勝

長安客話

西山神京右臂太行山第八徑圖經亦名小清涼也

同上

貞祐二年正月李英乘夜與壯士李雄等四百九十人  
出城緣西山進至佛巖寺令等下山招募軍民旬日  
得萬餘人擇衆所推服者領之

金史本傳

白雲平章求仙于燕京西山頂一日適出滕玉霄訪之  
不值因戲題于壁曰西風短褐吹黃埃何不從我游蓬  
萊振衣長嘯下山去後夜月明騎鶴來竟不留名白雲  
公疑呂仙過之朝野輻湊寵賚山積後知爲玉霄題白

雲公戒以勿泄厚賂之

草木子

許衡別西山作大山如蹲龍小山如踞虎烟嵐鬱蒼  
翠遠近互吞吐我來薊門居遨遊成樂土策杖望朝  
雲卷簾看暮雨佳意豁塵腥勝槩入談塵使我鬱陶  
消使我勞瘁愈生平鄙吝心一洗出千古回首聲利  
人何殊坐罔罔遠役非素懷况有跋涉苦吟鞭裊東  
風遲遲如去魯芳菲二三月追遊盛梅塢歸來願無  
違一觴期對舉

許文正公集

陳孚西山積雪詩東雀無聲庭檜響六花酒簷大如  
掌平明起視巖壑間挿天瓊瑤一千丈夕陽微漏元  
峩峩倚闌更覺爽氣多雲間落葉有徑否想見樵叟  
披青蓑

觀光集

李東陽西山詩日日車塵馬足間夢魂連夜到西山  
近郊地在翻成遠出郭身來始是閒雲裏盪胸看縹  
緲溪邊洗耳聽潺湲秋風忽散城頭雨先爲遊人一  
解顏下馬溪橋散步行暑風締紵入林清村殺野飯  
匆匆發碧水青山面面迎踏盡平堤憐綠草到來幽  
谷見雲生西湖勝事年年別幾日愁多不出城半嶺  
香臺石磴斜懸空縹緲送天花新開塔寺雄西郭舊  
賜經幢出內家避暑亭前泉帶雨回龍殿下水明霞  
太平天子無巡幸頭白山僧誦法華懷麓堂集  
王荃游西山詩賞心多與宦情違三載來遊一爻歸  
樹下杯行殊草草水邊人去更依依郊原卻略青驄  
戩天水蒼湫白鳥飛回首青山應笑我漫將塵土漉

苔衣

王文恪公集

王廷相西山行西山三百七十寺正德年中內臣作  
華緣海會走都人碧構珠林照城郭憶昔武皇倦機  
務金馬門前有權豎賣官何止金爲堂通賄能令鬼  
上樹六邊將帥多奴賤未掛兵符先見面文官細瑣  
不值錢鎮守監倉動千萬熏天氣焰侔天子噓之者  
生啐卽死眼前變故如掌翻有賄方能保無事南海  
明珠不足尙西域珊瑚鬪尋丈九州珍寶集京都遂  
使私門敵內帑人間富貴爾所有不慮生前慮生後  
高墳大井擬王侯假借佛宮垂不朽鑿山九仞平如  
席殿閣暈飛照雲日已請至尊親賜額更爲諸僧求  
護勅東林畫壁千步廊西林蓮臺七寶粧南廊日月

低浮圖北寺虹霓垂石梁金銀何算委溝壑夜夜中  
天生寶光釋迦釋迦定心癖慈悲反受豪華累土木  
橫起西山妖忍見蒼生日憔悴王氏家藏集

鄭善夫西山雜詩西山五百寺多傍北邙岑土木春  
巖盡樓臺海霧深僧皆傳玉食地更累黃金縱目翻  
愁極長安歲歲陰少谷集

王慎中遊西山詩良辰戾首夏肅軫遊西山山形何  
翠嶽洲渚亘相縣奔瀉既不赴危峰亦上干谿衍石  
洞杳迤邐飛梁懸朱甍踰賜谷翠羽菱陰巒闕室象  
霞構疏甍憑風騫抗宇凌層基列檻俯流泉好鳥揚  
幽音弱藻濯清漣豈惟耽遠遊因茲達大觀拾乳歷  
窳竄擷芳陵噴旣停瀉出澗涼靄靄隕隴煙水碧間

清藻靈鷲萬瑤管履險神彌豁入幽情更延隱巖懷  
子真蹈海期仲連遺形九州外棲迹萬象顛崇深惟  
素秉神理迷真詮遊心迓冲漠斯道庶不謬遵岩集

顧夢圭招盧駕部遊西山詩盧生逸興古來少瘦馬  
年年踏芳草聞說東曹公事稀山川須及鶯花好蕭  
條旅館製春衣拄笏西看冷翠微與君明日即偕往  
醉逐流鶯花下飛山中絕與江南似恐爲春光亂鄉  
思未得扁舟訪故廬且復聯鑣修禊事人生百年幾  
日春休將黑髮戀風塵去年此地君曾至想見鶯花  
待故人疏齋錄

郭文涓秋日游西山詩緬維京國遊夙憶西山勝前  
期戒朋儕昧爽理征燈連鑣出都門散轡遵郊徑已

猶望晴巒迢遞陟煙磴蒼茫紫翠分參差金碧映雲  
際鬱層薨風中發孤磬山光足怡愉池色湛清澄覺  
花粲奇馨慧草紛延亘梵影空中懸經聲榻前聽行  
恐苔痕穿嘯聞谷響應翠巘屢攀躋朱闌恒眺凭取  
適情易酬息機意初稱登臨愜賞懷攬結動幽興聊  
茲卻喧囂庶以慰躋躋

享帚集

吳寬答傅體齋約遊西山青玉案詞西山於我如無  
分要遊時春常盡住向京華凡六閏出城偏近山僧  
笑我此事無人信故人書札勞相問可惜情懷還不  
順冒暑同遊遊也悶湖隄須待杏花踈雨吹濕雙吟

髻

苑翁家藏集

元無名氏西山晴雪折桂令玉嵯峨高聳神京峭壁

排銀疊石飛瓊地展雄藩天開圖畫戶列圍屏分階  
色流雲有影凍晴光老樹無聲醉眼空驚樵子歸來  
簑笠青青

太平樂府

聚寶山在玉泉山西南行數里度兩石橋循谿轉至臥  
佛寺寺在唐爲兜率寺今名永安殿前娑羅樹來自西  
域相傳建寺時所植今大三圍矣

春明夢餘錄

臥佛寺於深山絕澗中乃得寺以翠波爲門殿前娑羅  
樹二株西有泉注于池池上有石如碧玉

珂雪齋集

壽安寺白塔卓山門上入門古檜百章殿前二娑羅樹  
大數十圍左一海松後殿臥佛一又後小殿更置臥佛  
一俗遂稱臥佛寺

游業

卧佛寺名壽安因山得名臥佛俗稱也寺門有胡濙碑

臥佛凡二一香檀象唐貞觀年造一銅像憲宗皇帝時造寺僧云長安可遊記

卧佛寺唐名毗率後名昭孝名洪慶今日永安以後殿香木佛又後銅佛俱臥遂目臥佛云寺西廣慧庵東五華閣西南弘法寺帝京景物畧

臥佛寺亦以泉勝層巖夾道木石散置可游可坐兩殿各臥一佛長可丈餘其一滲金甚精寺內娑羅樹二株子如椽栗可療心疾門西有石盤方廣數丈高亦稱是上剎觀音堂周以欄循石盤下有小竇出泉淙淙瑤瑤下擊石底聽之泠然寺多牡丹葢中官所植取以上供者長安客話

臥佛寺今上會駐蹕有重修御製燕都遊覽志

娑羅不此凡草不止惡禽酉陽雜俎

娑羅花苞大如拳葉似枇杷葉凡二十餘葉相杳捧苞類桐花一簇三十餘朵經月方謝身亭客話

娑羅者其木葉如海桐又似楊梅花紅白色春夏間開吳船錄

娑羅外國之交讓木也葉似柎皮如玉色葱白最潔鳥不棲虫不生子能下氣通雅

五臺山僧侈言娑羅樹靈異至畫圖鏤版然如巴陵淮陰安西伊洛臨安白下峨嵋山在處有之聞廣州南海神廟四本特高今京師臥佛寺二株亦有干霄之勢顧或著或不著草木亦有幸不幸也涑水亭雜識

朱國祚臥佛寺詩傳聞蘭若春三月花比青彌陀院

多惆悵芳時來獨後但聞風葉響娑羅 介石齋集

陳萬言臥佛寺詩覽眺吾將倦津梁子亦疲遠嵐燈

焰細側檜雨聲歛僧榻禪栖定蕃齋夜供遲松寮思

襍被不記出山時 鉅園集

觀音石閣而西有隆教寺又西上圓通寺望太和庵前

山中人指曰水盡頭泉所源也又西上廣泉廢寺北半

里為中華寺 帝京景物畧

水源頭兩山相夾小徑如綫亂水淙淙深入數里有石

洞三旁鑿龍頭水從龍口歛出又前數十武土臺突兀

有石獸甚鉅蹲踞臺下相傳為金章宗清水院章宗有

八院此其一也水分二支其一伏流地中至玉泉山涌

出 春明夢餘錄

從臥佛入山一里許有石礪礪旁仄徑緣而上為普福

庵自普福庵上半里有五華閣山隙一小寺寺側有亭

兩泉合流于前一出巨石下一流細石間上有蹊望之

若窮而隱隱復有樓閣 拘虛集

廣惠寺在府西三十五里舊名五華寺正統七年改建

明一統志

英宗即位是年九月建壽安山寺給鈔千萬貫十月命

拜住督造壽安山寺 元史英宗紀

至治元年春詔建大剎于京西壽安山鎖咬兒哈的迷

失與御史觀音保成珪李謙亨上章平諫以為東作方

始而興大役以耗財病民非所以祈福也且歲在辛酉

不宜興築帝殺鎖咬兒哈的迷失與觀音保杖珪謙亨



竄諸遐裔 元史本傳

三月益壽安山造寺役軍十二月冶銅五十萬斤作壽安山寺佛像二年八月增壽安山寺役卒七千人九月給壽安山造寺役軍匠死者鈔人百五十貫幸壽安山寺賜監役官鈔人五千貫 元史英宗紀

泰定元年二月修西番佛事于壽安山寺三年乃罷 元史泰定帝紀

天曆元年立壽安山規蓮提點所三年改昭孝營繕司 元史百官志

至順二年正月以壽安山英宗所建寺未成詔中書省給鈔十萬錠供其費仍命燕鐵木兒撒廸等總督其工役以晉邸民劉元良等二萬四千餘戶隸壽安山大

昭孝寺為永業戶 元史文宗紀

按壽安山即五華山葛邏祿廼賢題張文忠諫罷燈山藁詩自注至治間御史觀音保諫五華山事棄市公時為中書叅議翊日上諫燈山疏可證也今之臥佛寺疑即元昭孝寺當時鑿山開寺最稱巨剎五華廣慧其地甚隘必合臥佛而為一爾臥佛銅像雖傳成化時造而碑記未詳安知非冶銅五十萬斤所鑄耶

玉蓮池在香山五華山上 寰宇通志

出廣慧庵沿山南行得弘化寺門內白松盤槐多古意 游業

臥佛寺西南里許為廣應寺寺有白松箕踞其下望見

碧雲香山諸寺寺西為木蘭陀春明夢餘錄

隆教寺西越澗有長嶺嶺半為金章宗看花臺臺畔有

古松一株同上

碧雲庵建於元耶律阿利吉正德中內監于經拓之為

寺天啓三年魏忠賢重修之士人呼為于公寺巖下有

泉泉旁一柳有大瘿人呼瘿柳柳左堂三楹萬曆御題

水天一色前臨荷沼沼南修竹成林巖下一亭曰瀟雲

同上

碧雲寺二元碑一至順二年立一元統三年立帝京景物

物變

香山碧雲寺正德中御馬監太監于經所造經以便給

和幸導上於通州張家灣樵商賈舟車之稅歲入銀八

萬之外即以自飽斥其餘羨為寺于香山而立家域于

寺後上嘗親幸焉為之賜額嘉靖初下獄瘐死籍其家

而寺與墓獨存湧幢小品

自洪光折而東取道松杉中二里許從槐徑人一谿橫

之跨以石梁為碧雲寺壯麗與香山相伯仲歷數百級

登佛殿殿前甃石為池深丈許水引自寺後石罅出噴

薄入小渠人以卓錫名之寺僧導之過齋厨遶長廊出

殿兩廡左右折復漚于殿前石也金鯽千頭今上嘗臨

觀焉長安客語

碧雲寺從槐徑入初不見寺登之乃見弘敞旁一亭細

竹百竿流泉為觴球石為屋殿前有魚池石橋寓林集

碧雲寺泉從山西壁螭首口中吐出去渠尺許微有飛沫時雨初過淙淙若琴筑下注于渠渠遠亭後折而東南又折而北渠廣尺餘越數步設一牀亭前有沼可一畝渠水注之亦由螭口出迤東南注垣下過香積厨又西南注殿前沼

余文敏公集

碧雲刹後有泉從石罅出有聲石壁色甚古亭曰聽水佳處泉遶亭而出流于小池種白蓮白本塘前穉竹嫩綠有致竹旁有銀杏二株陰陰一畝其左一洞若髮屋泉復繞之而出達于廊下引入殿前爲池界以石梁朱魚撥刺水脈隱見至寺門迸入于溪

則雪齋集

碧雲寺金銀宮闕若王者之居殿前有池跨以石梁今上移蹕再幸樂之設齋飲梁上觀魚寺前有泉亭竹樹

留御書額額曰蒼松古栢日水天一色其西峭壁如城

有石室二臨澗石門石竇盛夏可以避暑冬則徙卉木

藏焉

天復山房集

碧雲修除連拱與香山稱左緣曲逕有卓錫泉環庭際漑漑鳴中爲廣亭右壁綴以文石境之最幽者

長安可游記

出香山策馬東行轉而西北卽碧雲寺寺門有石獅二雕鏤絕工鐘樓西石刻蛟形泉從口湧泠泠瀉溝中出寺而納于澗

同上

碧雲寺後有魏忠賢墓本于經舊墓道忠賢拓之翁仲石麟羊虎森列扶闕皆以白玉石爲之雕刻精巧中立二穹碑今書其銜忠賢戮尸之後未嘗葬此聞係崇禎

甲申都城破後其黨為之者明初中官造墳安葬例給銀伍十兩自正德中多至五百兩矣其後歲益月增享堂碑亭制愈僭越夫山陵之制亦不過前樹一碑而已忠賢墓乃用二碑黨附小人之無忌憚如此惜無力士踣而碎之也冷姓志

屯田郎中萬燦督陵工上疏曰臣於三月詣陵開工轉過香山碧雲寺見魏忠賢所營墳墓碑石崢嶸隧道深闊翁仲簪朝冠而環列羊虎接駝馬以森羅制作規模彷彿陵寢日前祠宇又建佛堂金碧輝煌丹堊炤耀曾不一念先帝之陵寢未完內廷外廷之人止知有忠賢不知有皇上夫朝王振劉瑾之禍可忍言哉頌天廬筆

陸深碧雲寺詩鳥道千盤迴羊腸一徑斜年年二三  
月紅杏碧桃花儼山集

陳沂遊碧雲寺詩西嶺多金剎林深到碧雲山文瑛  
宇斷水脈石渠分魚躍翻蘋見鶯啼隔竹聞經營竟  
誰主太息倚斜曛拘虛集

唐順之遊西山碧雲寺詩端居滯文翰久與賞心關  
出沐乘休豫尋幽展懽悅涉澗俯潺湲攀巒面巖嶮  
邈哉神臯奧居然靈境別夷峻疏深池塞坎構崇椽  
浴室盪湯泉冰井沸陰穴躋險惕瞑玄逃迴忻超軼  
密林嬉猿獼遠峰挂虹霓宵看朝旭升晝見昏星列  
藪豐光乍熹崖懸曜先晰景會萬象昭跡睽百慮絕  
崑棲庶可希從茲謝塵轍荆川集

何御碧雲寺詩侵晨發廣源到寺日亭午回見山下  
居頗異闌中土樹底禽關關巖間鹿麋麋鐘鳴出紺  
林香靄薄珠宇薜荔當高垣靡蕪雜修楚入門釋塵  
襟僧導轉迴廡石泉山下行流杯坐中取卽此慰遐  
情何戀圭與紅白湖集

莫如忠碧雲寺詩香臺何處覓倚杖躡層巖出樹凌  
飛磴穿階響暗泉洞陰扃若戶林靄碧於天到切歸  
依想無勞更問禪崇蘭館集

何棟碧雲寺詩萬峯圍殿閣碧色淨如雲樹影欄前  
落泉聲竹裏聞琴蘿丹磴轉鑿石翠流分獨愛空林  
靜焚香對鶴羣人華集

王世貞宿碧雲寺詩幽人夜無寐初月銜山閣不見

月出光但見松影落舟州山人稿

公鼎碧雲寺詩西山千百寺無若碧雲奇水自環廊  
出峰如對塔移樓亦平樂觀苑接定昆池不似人二  
得當時作者誰問次齋稿

姚汝循碧雲寺詩策馬隨流水穿林到碧雲金銀開  
法界紫翠藹朝曛峯自吞鑑轉泉非裂帛分年來機  
事息魚鳥與人羣錦石齋集

宋國祚碧雲寺詩銀榜高懸寶地除游人只愛寺前  
花不知賈舶徵求盡舊鬼年年哭路沙介石齋集

錢楷碧雲寺詩空王臺殿碧氤氳藥塢松關啓夕曛  
叢篠娟娟圍砌密細泉汨汨繞廊分月明梵唄諸天  
近雨後鐘聲下界聞向夕虛堂對寒碧坐來衣冷欲

生雲 萬玉亭集

傅淑訓碧雲寺詩洞巖倒立石筍澗水斜流落花朝雲迷處僧舍暮山影裏人家 帝京景物畧

西山蒼蒼上千雲霄重岡疊翠來朝皇闕中有道場曰香山 李晏香山記

香山寺址遼中丞阿里吉所捨殿前二碑載捨宅始末光潤如玉白質紫章寺僧目為鷹爪石又云寺即金章宗之會景樓也 冷然志

耶律淳者世號為北遼興宗第四孫保大二天祚入夾山奚王回離保林牙耶律大石等引唐靈武故事議立淳即位百官上祝天錫皇帝改保大二年為建福元年尋病死百官偽謚曰孝章皇帝廟號宣宗葬燕西香

山永安陵 遼史

大會間大軍下河北胡礪為軍士所掠行至燕亡匿香山寺 金史本傳

大定二十六年三月香山寺成幸其寺賜名大永安寺給田二千畝粟七十株錢二萬貫 金史世宗紀

大定中詔匡構與近臣同經營香山行宮及佛舍 金史本傳

明昌四年三月幸香山永安寺及玉泉山承安三年七月幸香山八月獵于香山四年八月獵于香山五年八月幸香山泰和元年六月幸香山六年九月幸香山 金史章宗紀

元世祖幸香山永安寺見書畏吾字于壁問誰所書僧

對曰國師兄子鐵哥哥也帝召見愛其容儀秀麗語音清亮命隸丞相李羅備宿衛元史本傳

皇慶元年四月給鈔萬筭修香山永安寺元史仁宗紀

元平章政事李武愍公葬京師之西永安山之陽其子益都淄萊等路管軍萬戶世雄祔葬先塋養蒙先生集

香山永安寺亦名甘露石梁下有方池正統間遣中官以金魚數十投其中今巨者盈尺矣上金剛殿後有古

椿六又上山畫廊登慈恩殿其右為香鑪岡岡下有蟾蜍石丹井又有夢感泉金章宗嘗至其地夢矢發泉湧

旦起掘地果得泉其後僧以泉淺濬之遂隱南濠集

香山寺南一山松蘿交蔭橋下魚朱黑二種若游空中捨級而上佛殿甚闊壯殿檻外兩山環擁遠望一亭踞

山半穿磴道二里始至亭名流憇下視寺垣如墮深壑望遠水如白玉玦疑即桑乾河也瀟碧堂集

香山一徑幽遐青松夾道流泉下注朱闌上引依巖為刹高傑整麗獨是作者騁象馬之雄圖之丘壑之妙思

數十年後金碧蝕于冰絲堦砌隱于苔蘚遊人漸稀樹木漸老則茲山之勝當倍于今日矣袁中郎集

香山門徑寬博喬木夾道流泉界之依山汗隆以為殿宇殿前古松二株虬龍詰曲左來青軒如衫袖忽開盡

見原隰寺後有藏經閣石路淨潔高松列植四望比來青峻遠其傍僧舍數十處多植偃蓋之松引流水周其

雷下 珂雪齋集

穿洪光寺栢徑而上即香山藏經殿步而下即後殿從

兩廊逶迤行至正殿歷級從東行至方丈自迴廊復東  
為來青軒下見坡坨杏樹可十萬株寺中來青軒鬱秀  
清雅望都亭四扁皆今上御書燕都遊覽志

香山有乳峯石時嘯雲霧類匡廬香爐峯故名長安可  
游記

香山夾道盡白楊青檜流憇亭在山半灌木陰翳中來  
青軒前兩山相距而虛其襟以捧帝城自聖量殿折而  
至弘光寺皆短垣踈栢中涓甃白石為階東望閣道叅  
差為光裕寺緜山集

香山寺殿五重崇廣畧等斜廊平彌翼以軒閣世宗幸  
寺曰西山一帶香山獨有翠色神宗題軒曰來青來青  
軒右上轉而北為無量殿轉而西曰流憇亭山多名蹟

有葛稚川丹井金章宗祭星臺護駕松夢感泉又有碁  
盤石蟾蜍石香爐石寺始金大定正統中太監范弘拓  
之費七十餘萬今寺有弘墓墓中衣冠耳蓋弘從幸土  
木不歸帝京景物畧

香山有巨石二狀如蝦蟆石下二井相去丈許水深才  
三四尺俯手可濯井底沙石歷歷可數近寺人家皆取  
給焉文義集

張養浩遊香山詩山行彌日山益奇亂峯挾翠紛叅  
差遊人如蟻度林杪細路一線雲間垂我來青帝已  
迴馭大古雪猶離離一聲啼鳩百花落兩崖紅雨  
春淋漓蓬萊堯率杳何處無乃造物移於斯斜陽忽  
將暝色至山靈應怪歸鞍遲歸田類藁



虞集題大都香山寺圖香山蒼翠帝城西古寺高寒  
北斗齊繞屋清泉龍隱臥對檐老樹鳳常棲會  
相尋山徑亦共幽人躡石梯忽見畫圖驚十載春雲  
秋雨不勝題 道園學古錄

李夢陽香山寺詩萬山突而止兩崖南北抱鑿翠置  
殿榭級石上穹昊高卑勢各稱曲盡結構巧有泉如  
綫縷盤轉出松杪嗜奇忘登頓緣危肆探討險絕逼  
斗牛蕭颯若風鳥夜宿來青軒天色碧可掃湖沙靜  
莽莽海月白浩浩想常那邑初此地卽蒿草綺麗誰  
所營民力爲茲槁 空同集

又集句二月已破三月來山下碧桃花自開半醒半  
醉游三日並馬今朝未擬回 同上

何御香山寺詩香山高巖葉復磴碧雲西對嶺抱溪  
轉迴峯聳剎齊高卑散精舍錯落標金題舉蕊多勁  
條采芳無柔萸息策丹泉曲振衣青霞梯已貪竟流  
覽殊覺疲遠躋欵欵下層閣徐徐道前蹊賞心頗云  
悉矯首夕陽低 白湖集

馮惟訥香山寺詩香界盤空磴松蘿一徑幽何須問  
葱嶺此地卽丹丘檻是諸天隔泉將德水流山花雜  
祇樹隨意滿芳洲 少洲集

采應宏香山寺詩山色敞招提空香處處迷曹溪一  
水曲瞿舍五燈齊夕鉢藏龍影春沙印馬蹄何期踏  
芳草靈境得攀躋 栗大行集

王格香山寺詩峻嶺凌青漢疎林隱絳宮騎從斜磴

入門逐斷巖通風日三秋裏關城四眺中松亭陳桂  
酌延賞興何窮少泉集

何維栢香山寺晚眺詩翠積香山迴烟深草徑迷傍  
橋尋谷口緣磴躡招提孤鳥連雲遠平原入望低回  
瞻雙鳳闕高時玉河西天山集

謝榛宿香山詩深夜無眠風露清天移北斗坐間橫  
幽人不作紅塵夢月照空山鶴一聲四溟山人集

安紹芳香山寺詩隔嶺藏香閣到門生暮咽斷崖寒  
積雨細草伏流泉臺指祈星處松傳護駕年石幢連  
繡拱似欲化青蓮研亭稿

黎民表香山寺詩卻月橫香閣祠星隱紉臺數隨山  
勢轉池向水源開雙闕浮雲歛干林返照來鶴岑清

絕處心賞信悠哉瑤石稿

吳擴暮登香山詩石門亘西天幽花夾山路歸鳥競  
喧呼夕陽隱芳樹登登青厓端偶與羣公遇散坐雲  
壑間會茲靜中趣纖月何娟娟清風灑襟素貞素堂  
集

俞憲香山寺詩已陟軒楹勝還尋澗壑幽獨行無燕  
笑情至亦淹留花密藏溪路峯危帶石樓回看禪誦  
處香靄接天浮是堂稿

郭棐香山寺詩來青亭上覽流暉歷歷僧房隱翠微  
大壑風聲搖几席近山霜氣濕征衣林花照水娟娟  
並幽鳥迎人欵欵飛因憶羅浮諸勝在驅車何日可  
言歸簡省稿

朱國祚秋入香山寺詩山半松門度石梁流泉泱泱  
響僧廊置身着色屏風裏梨葉新紅柿子黃

介石齋集

陳萬言香山寺詩氣轉春逾爽山藏霧尙寒路真通

杳靄香已熟旃檀霞外千峰寺人間六祖壇淋漓瞻

寶墨飛作五雲看

銜園集

傅淑訓香山題壁詩碁盤石無人奕護駕松有鳥棲

下界鐘聲古寺上方月影前溪平甸草鋪似繡高峯

石削如門牛羊十里五里雞犬前村後村

帝京景物

畧

香山寺有軒曰來青坐見兩山迴合平疇外衍飛鳥出

沒雲際寺門有泉石橋跨之其流入西湖

栢厓集

永安寺來青軒軒居山半俯瞰叢樹青黃相雜循廊而

上殿閣崇麗與平坡並峙正統間太監范弘所建

懷麓

堂集

來青軒臨絕巘周匝女墻倚墻下瞰平楚荒榛杳渺無

際

余文敏公集

來青軒五楹闌楯外垣以磚甃下臨絕壑玉泉諸峯按

伏其前朱殿換之蕃題楹云恐壞雲根開地窄愛看山

色放墻低憑闌東望盡挹山川之秀若流憇亭不及來

青遠甚然仰視山巔高捧雲漢亦奇境也至寒泉亭斯

可有無矣

長安客話

李東陽錢仁夫錢承德夜宿香山來青軒聯句

軒縹緲閣空青

東陽

四顧參差擁翠屏

仁夫

涼夜推牕

堪待月承德前朝掃石記祠星東陽雲蒸衣潤龍歸

金仁夫風裊爐薰鶴聽經承德地隔紅塵三百丈東

陽尋仙何必泛滄溟仁夫美具錄

李言恭宿來青軒詩地敞千林月門開萬壑霞花間

翻貝葉樹杪見人家路轉溪流折山迴石磴斜半空

聊借榻高臥似浮椽貝葉齋藁

區大相登來青軒詩層軒翠微裏宸翰此高題乍見

星辰列平看雲霧低路盤陵樹北山擁帝城西萬石

來遊地應無七聖迷海目集

董應舉西山來青軒對月詩地白鐘聲寂山秋夜色

多倚闌成雪界拓戶即天河野氣沈平楚池光轉碧

蘿忽聞青籟發淒絕獨如何董宗相集

來青軒之前兩腋皆疊嶂環列賓軒為金弓宗祭星臺

其西南道上章宗經此有松密覆因呼為護駕松長安

字話

崇山劉文正王以沉機大畧最為世祖親幸且通秘術

用兵之際役使鬼神多著奇效乃作祠宇于宛平之西

山以祀太乙六丁之神號曰靈應萬壽宮說學集

至元十一年建太乙宮于兩京命李居素居之領祠事

且禋祀六丁以繼太保劉秉忠之術元史釋老傳

趙孟頫萬壽宮館舍作來時殘雪點征衣落盡庭花

尚未歸夢裏不知身臥病春衫鄉路馬如飛松雪齋

集

范梈靈應宮詩萬花如繡擁朱宮上界嚴祠望碧空

一十二時春百刻日長半在鳥啼中 范德機詩集

元英宗延祐七年四月祭遁甲神于香山今香山有金章宗祭星臺於史無所考或是元時祭遁甲神之地 北平古今記

鄭琰祭星臺和韻翠華曉散七星壇雲繞真人五嶽冠昨夜桐花初着雨天風吹落棗枝盤 列朝詩集

香山西佛堂懸今上御書二扁一日雪白山青一日西巖 長安可游記

程敏政香山永安禪寺觀音閣重修記西山之刹以數百計香山號獨勝層樓疊屋翬飛岌立于林巒紫翠中若畫圖然觀音閣據寺東隅視諸閣尤峻閣久漸圯寺主左善世定皚東白募修之太監李公興陳

公冕為之上聞詔賜內帑白金彩幣倡之遠邇聞者

咸樂為助乃於弘治四年七月啓工以明年竣事東

白常熟人弘慈禪師玉礪清公再傳之弟子 篁墩集

洪光寺據山頂短垣遶門地悉甃以石寬平可坐山之勝一覽而盡 南濠集

寺磴凡九曲歷十八盤而上每磴松栢成行如列屏幃 寓林集

洪光亦古刹巨璫鄭同重修同朝鮮人也寺內圓殿千佛各坐寶蓮皆極工巧臺右有姜立綱書碑 游業

洪光寺徑上指玉華寺再上指玉皇閣下指碧雲寺再下指弘法寺十有八盤而徑盡至寺門香山乃在其下建自鄭常侍同同生高麗其國王李禔貢入中國得

宣宗後復使高麗至金剛山見千佛繞毘盧之式歸  
繪圖殿供毘盧表裏千佛面背相向自爲碑文自書之  
帝京景物畧

成化四年十二月遣太監鄭同崔安冊封朝鮮世子李  
時爲王旣行巡按遼東監察御史侯英奏同與安俱朝  
京人墳墓宗族皆在其地於其國王未免行跪拜之禮  
遣使托之辭殊輕中國之體乞追寢成命遣翰林院給  
事中及行人往使爲使上是其言於是賞賞則遣內臣  
冊封則遣廷臣有學行者憲宗實錄

上延陵同張崑崙過洪光寺詩洪光高閣杳林端繚  
繞雙過錦繡鞍曉日乍開仙闕曙春雲猶弄上方寒  
廳中猿墮青天影樹裏人行赤玉闌已分息機甘晏

寂長安風霧任漫漫今雨瑩華

鄔佐卿洪光寺詩綠暗深深入林端梵宇開晴嵐飛  
鶴鶴秋色繡莓苔磴轉山容變雲移塔影來遲回不  
得住舍此復塵埃芳潤齋集

凌震洪光寺詩盤旋窮九折紺殿忽籠葱寺正當高  
處山都在眼中翻階花勝雪委地柳宜風霑醉歸途  
裏春雲處處同練谿集

鄧欽文洪光寺懷陳文詩寺裏還藏寺山頭別起山  
磴盤千級上僧占一峯閒秀色杯前墮孤雲杖底還  
元龍負奇好惆悵不同攀詩統

朱正初洪光寺詩石磴千盤殿角寒到來松色滿闌  
干白雲飛去寺門閉畱得斜陽向客看長安客話

朱國祚洪光寺詩石門幾曲轉丹梯圓殿僧同怖鶴棲指點遊人下山路酒旗風颭夕陽西介石齋集

左光斗洪光寺詩磴削天全濶梯蟠地轉牢一亭環

積翠萬里見秋毫白日入林礙青天過鳥勞自從經

御蹕直是五雲高左忠毅公集

出洪光寺東數轉為玉華寺寺後有池泉流涓涓不絕

山房跨欄十餘楹稱玉華別院越礪折而西北有小院

名慈壽庵游業

王嘉謨玉華寺詩層峯開淨域十丈控丹梯坐瞰平

湖淺中分萬嶺低斜陽傳塔影飛瀑亂鶯啼自覺諸

天近香花聚路蹊薊丘集

表忠寺門左右各二松一石俱奇古燕山紀遊

下香山至延壽庵樓五間高數似右為蔬圃種苦韭梨

栗其前田壽彌亘數里上有大璫鮑忠墓忠事武廟世

廟兩朝柄司禮監二十年宜其塋建弘敞如此也余文

敏公集

循香山之左歷滕公寺至鮑家寺寺有古松十株陰覆

石墀濃翠可愛長安可遊記

按土人所稱鮑家寺即延壽庵也

鮑家寺兩掖石樓屹立青槐百株交蔽修衢殿植果松

四株枝葉婆娑覆陰無隙地寺下又有滕公寺石垣周

遭若一縣郭其中飛樓相望清渠激戶雜花滿楹珂雪

齋集

朱國祚夜宿鮑家寺詩青豆房低結構牢長松靜夜

卷秋濤分明一枕谿亭雨睡起不知山月高 介石齋集

從延壽庵折而北又西為小碧雲寺寺宣德中太監張某建寺額宣廟所賜也今之碧雲乃昔俞家庵因有兩寺故此以小別之隔垣有翠華亭 余文敏公集

狼兒澗在香山東四里許 四澗山人集

謝榛狼兒澗歌狼兒澗東扶杖行石工斧鑿無停聲太古樓身祇巢穴軒皇之後多有營漸傷元氣非今日三代相因棟宇成石工死石工生天地不老青山 平同上

田廣慧庵遙望山椒丹樓縹緲詢知為曹家樓樓踞山巔下臨石洞右折百步為翠巖庵更上即中峯庵矣 長

安河遊記

西山別嶂忽開如兩袖之垂其左為帝王廟翠巖寺曹家樓其右為弘教寺而其中為中峯中峯庵有石樓可眺有亭高出半山圍墻十里悉以白石壘砌 珂雪齋集

中峯庵地盡石無土階墀徑磴可枕藉臥松滿院響謾謾然澗南上弘教寺廢寺也 帝京景物畧

中峯在香山之後以其居諸峯之中故曰中峯也躡危磴而上有庵庵兩翼有亭山之陽有弘教寺山之陰有

少公祠翠巖寺永壽庵 春明夢餘錄

朱國祚中峯晚望詩中官丙舍即花宮松栢林前梵磬風試上精廬高處望樓臺金碧夕陽中 介石齋集

出小碧雲寺而西有弘教寺寺在山脊東上一閣宣廟



會駐蹕于此 余文敏公集

從洪光寺過佛光寺為弘教寺寺有石橋魚池前有流泉亭巖旁有晏公祠石室琢三皇五帝列聖名賢像自宣尼而下及宋朱紫陽李延平諸公兩壁刻畫忠臣孝子如王祥顏杲卿之屬又有小石室題函五經書史詢之乃武廟時中貴晏公造也自入西山所見金碧殿閣皆浮屠氏之宮中人自營其身後香火藏而此獨及儒門何類無賢因之嗟歎 馮林集

一珂雪齋集

晏公祠正德中晏常侍忠所立也過澗石橋過橋石門曰道統門石殿三楹像皆石上像三皇五帝三王左象

周召孔孟諸聖賢右象周程張朱諸大儒壁五石龕一龕標一經名維以藏其經殿外一石亭亭壁列鐘簋干戚錢鎛弁裳之屬一如五經以便治是經者左龍馬馬毛旋五十五數具一如河圖右雉龜龜甲四十五數具如一雉書東堂三楹壁列忠臣龍逢以下孝子曾閔以下右圖而左書其行事以告觀者石象渾朴不類漢以後及西域像法堂後累石為洞洞壁標先儒格言及詠道詩祠今居守者一僧也仍於其私室設彼教像誦彼教文字焉 帝京景物畧

王穉登弘教寺詩先朝行殿作禪宮黃屋青山本是空聞道一人曾駐蹕山僧不敢住當中宣皇在日寺新成萬乘親來寺裏行芳草也知無玉輦秋風秋雨

滿階生 燕市集

姜應甲題晏公祠詩空山石祠堂落穆跨深壑肖象古聖賢高下坐淵漠殿墀列龜龍如出自河洛煌煌先儒語所為忠孝作性理二百卷題壁見大畧歷覽感我心人傳晏公鑿厥志在尼山高邈得所託媿哉彼檀施釁血塗丹艷 帝京景物畧

按元史泰定二年中書省言養給軍民必藉地利世祖建大宣文弘教寺寺賜永業當時已號虛費今遺跡已無可考觀晏公祠石像禮器制度渾朴不類明時匠人所鑿且元於儒釋初無所分疑寺即宣文弘教之遺址晏忠特從而修飾之者當再與博雅君子考之

由弘教寺下山度坑而西有廣仁寺 余文敏公集

翠巖寺不甚弘敞而具山林之致門有渠天雨則山巔飛流直走原麓利後石路百級有禪院四周皆茂樹有泉甚清可煮茗 珂雪齋集

胡應麟宿翠巖寺詩亂峯遙策杖零露幾沾衣客到青霞館雲生白石扉寺寒山鳥下鐘定水螢飛為愛西牕宿泉聲出翠微 少室山房集

下弘教寺循山趾而南有盧師山與平坡山並峙諸寺鱗次曰清涼曰證果曰平坡皆古刹也 長安客話

泰定三年二月建顯宗神御殿于盧師寺賜額曰大天源延聖寺勅貯金書西蕃寺藏經八月天源延聖寺神御殿成十月奉安顯宗御容于大天源延聖寺賜鈔二

萬錠四年十月命帝師作佛事于大天源延聖寺元史泰定帝紀

天曆二年五月於玉德殿及大天源延聖寺作佛事元史文宗紀

明宗八不沙皇后天曆二年請為明宗資冥福命帝師率諸僧作佛事七日于大天源延聖寺元史后妃傳

元統六年四月詔大天源延聖寺立明宗神御殿碑元史順帝紀

盧師山以神僧得名師隋末居此山能馴二龍子山有潭覆以巨石其下深不可測二龍潛焉歲旱禱雨輒應舊有寺即以盧師名今清涼寺是已長安客話

清涼寺古佛阿難迦葉二像乃唐天寶遺製寓林集

大小青龍之神按碑記昔有僧名盧自江南來寓居西山之尸陀林秘魔巖一日二童子來拜于前盧納之鬻薪供奉寒暑無怠時久旱不雨二童子白于盧能限雨期言訖即委身龍潭須臾化青龍一大一小至期果得甘雨事聞賜盧師號曰感應禪師建寺設像立碑以記其事又別設祠于龍潭之上春秋遣官示青龍神宣德中勅建大圓通寺一青龍出現禱之有應於是加以封號至今春秋遣順天府官致祭及遇歲旱遣官祭告蓋因舊傳二龍能致雲雨故累朝崇奉如此青谿漫藁盧師山有寺曰盧師寺正統十一年更名清涼今佛殿已無一梵相坐風露中左右迦葉阿難風露中侍僧曰唐天寶遺製過寺半里秘魔厓是盧師宴坐處相傳隋

仁壽中師從江南棹一船來祝曰船止則止船至厓下  
止師遂崖居居數歲二童子來曰大青小青侍師不去  
歲大旱所司徵禱雨者童子白師願施雨雨一方遂乘  
雲氣去俄雨大注知大青小青乃龍也龍歸投潭中潭  
廣丈巨石覆之深宥不可測二龍有時出雲氣仍隨之  
厓下塑二童子侍師像厓上一栢產石面長尺不凋不  
榮是盧師所植東證果寺寺傍有亭望渾河下善應寺  
殿佛不跣跌高几戶坐儀如中土兩廡塑羅漢五百帝  
京景物畧

唐書韋挺傳挺遣燕州司馬王安德行渠作漕艦轉糧  
自桑乾水抵盧思臺行入百里渠塞不可通挺以方苦  
寒未可進遂下來臺側磨之待凍泮乃運以爲解按今

京城西三十里卢師山相傳爲隋沙門盧師馴伏青龍  
之地以唐書考之當卽盧思臺師乃思之誤也桑乾水  
卽盧溝河北平古今記

垂拱中宋琪請復幽燕疏言從安禮寨西北有盧師神  
祠是桑乾出山之口東及幽州四十餘里趙德鈞作鎮  
之貯欲遏西衝會壅此水河次半有崖岸不可輕度其  
平處築城護之守以偏師此斷彼之右臂也宋史

馬祖常盧師山下過郝景文叅政墓詩故相聲名遠  
荒阡松栢長地能終不夜天莫借飛光舊客驅車過  
新詩洒泪傷千年此山下樵牧禁牛羊石田集

會榮盧師寺詩久懷招提遊偶此得尋訪巖巒通杳  
靄關檻俯虛曠飛花出洞中古栢陰池上欲識雙青

龍變化爾何狀

東坡集

李時勉盧師山龍潭作湫中龍何許睇日東南峰旁  
厓下陡絕緣徑披蒙茸履險時復憇始與前山通竇  
坎覆清泉神物潛其中林谷為森爽烟霧為冥濛時  
乘雲物去靈雨下時空既雨即湫處年穀亦以豐明  
祀大小青盧師與無窮古廉集

郭武雨中宿清涼寺詩遠來禪境宿深在濕雲層路  
險無人跡堂空有佛燈共聽青嶂雨對坐白頭僧話  
久何曾睡聞鐘客又興郭氏聯珠集

李濂盧師山詩盧師山上古龍潭大青小青秋霧含  
坐久陰雲生洞口忽看微雨過湖南嵩渚集

蔣山卿清涼寺龍潭詩潭水清如許龍藏深未知珠

引護燈夜雲暗聽經時法雨空中潤塵灰劫後移還

將馴擾力指鉢問吾師

南於集

無名氏題清涼寺壁詩山僧汲空潭驚起二龍子白  
里雲冥濛三日雨不止長安可游記

唐時覺禪師嘗以道力攝二龍於萬壽寺中池內常見

蛇形一曰大青一曰小青宋因禱雨有應封大青應濟

侯小青利澤侯

燕山叢錄

大旱道士持青蛇曰盧師谷小青謂龍也禱之即雨呂  
思誠以其惑人殺蛇逐道士雨亦隨至元史本傳

京師西山寺有二青蛇客至僧呼蛇以酒肉飼之二蛇  
輒引喙出入無憚謂之曰蛇菩薩西樵野記

謝榛夾山寺詩黎河路轉入烟霞為訪蓮峯衲子家

萬古山靈開白馬三秋石窟閉青蛇山有大青小青二蛇曇雲不作空中雨祇樹還生象外花欲共虛堂留此夜燈前仍復演三章四演山人集

按徐伯昌所錄暨四演山人詩俱有大小青而一曰萬壽寺一曰夾山寺始附于此以埃再考

秘魔崖在山半大石嵌空幾二丈僧心其西南為禪室又南別為爨室從爨室西二十餘步始入巖出東行百餘步有大石側立道左右為池蓋大小青能所蟄處視之不甚深然側入不可窮池前有雙栢上有小殿順天尹李侯執中創以祀神者又東度山崦二百步入清涼寺西門王

郭武游秘魔崖詩清磬烟蘿出禪房絕頂關路危青嶂仄潭暝白雲還金鉢龍雙隱蒼崖栢獨閒渾河流杖下今隔幾重山郭氏聯珠集

朱國祚秘魔崖詩秘魔崖仄蘇文斑千載盧師去不還遺有澄潭二龍子曰斜歸處雨連山介石齋集

澄果寺前臨青龍潭後有秘魔巖中空如室石如偃芝云是秘魔祖師所居長安客話從三义口徑新莊度西嶺折而北有善應寺寺中四松最奇門列天兵十狀極詭異廡下有五百羅漢余文敏公集

蔣山卿宿善應寺詩突兀開深殿欽崆抵細岑松門延晚色竹院閉秋陰寂定傳燈影清餘放梵音卻嗟

千日醉空負百年心 南泠集

昌化寺殿壁繪阿羅漢五百尊穿崖滄海神通遊戲宣廟時吳偉小仙筆也 燕山紀遊

何景明夜歸昌化寺詩日落歸山剝松風處處聲幽深不易到昏黑夜多驚壑斷尋谿入峰迴絕嶺行茲

游藉以好奇絕冠平生 大復山人集

由常明庵出杏子口至平坡寺所評益師清涼翠微善應靈光諸寺皆在焉 緞山集

秘魔崖西行碎石中一里自龍泉庵而上平坡寺也寺為仁宗勅建曰大圓通寺規制宏麗今圯壞後殿藤胎大士七尺清古具丈夫相憲宗駕幸寺見金剛面正黑

上笑曰似火裏金剛一夕火起金剛燬焉寺上一里寶珠洞洞石黑白點滲之珠名以此 帝京景物畧

翠微山圓通寺葺舊平坡寺也洪熙初詔改作易今名寺在西山高處去城可四十里昔太子少師姚廣孝嘗

言平坡最幽勝真學佛者所宜處好遊之士所必至也殿前後凡三重因山勢為之愈後則愈高皆翼以長廊

亦因地為斜正殿上皆有像飾以金碧最後殿去山頂不百步由殿東南下為方丈蓋住持者所居中室祀釋

迦像又從東廊出前殿殿左右皆高閣升其左山勢既高閣又出其上憑闌望之遠入無際西廊後地稍下北

為禪堂其中為厨庫南為禪室 王文端公集

平坡寺元故刹宣德間修之改名圓通斬石為址凡為殿五層最上有小殿極峻險前俯巨壑日霽都城九門

懷麓堂集

大圓通寺初于唐至宣德年重葺因改是額且名其山曰翠微山後有小天寧寺余文敏公集

大圓通寺洪熙元年重建明一統志

平坡山亦名翠微山成化中駕嘗幸此長安客話

平坡寺嶺雖高而不覺其峻寺在山巔一目千里栢崖集

宋裴平坡訪謝草池作玉泉西畔昔慣往盧師東邊今始行山石攀礪嶮馬足樹林陰翳藏禽聲坐主上人譚眾妙壁間圖畫教長生自注懸畫八幅皆熊經馬仲之術所嗟秘徑禁來往不敢題詩留姓名燕石集

釋道衍題平坡寺詩平坡杳杳挹西湖徑斷樵行收葉舖泉落石河深愈急雲歸沙樹遠疑無夜堂風靜紉帷幔曉井霜寒響轆轤那得餘生辭世網捲衣來此日踟躕逃虛子集

王英遊翠微山詩京都壯且麗西北皆名山翠微獨崔嵬高出霄漢間上有金仙居連峰起噴吼夙聞此地勝未得窮躋攀主恩賜休暇三日有餘閒策馬出西城迢遙睇層巒我友五六人興軼浮雲端欲登峰萬仞俯視八極寬泉坡集

王直大圓通寺詩梵宮何巍巍下馬陟峻坂山僧肅前道焚香起重榷高棟切層霄飛甍抗崇巘金碧表奇麗突兀給孤苑地雖占幽憂誰能申繾綣嗟哉學



佛徒冥寂宛微婉自非與物遺徒謂去城遠王文端  
八公集

李夢陽平坡寺詩西山萬佛寺爛若舒錦繡平坡憑  
風迥突出衆山右宮閣因巖切面勢巧相就百里見  
琉璃巖竄戴雲構朋游探絕跡杪秋歷羣岫得此目  
力展恍疑出氛囿雄壓香山麗澗掩望湖秀落木響  
巖高寒嵐染衣袖延緬古今并竚立悲慨奏盛業慮  
反始危基有傾覆千載誰復臨逆想蓬蒿茂空同集  
何景明平坡寺詩晚眺平坡上蒼茫萬壑前一僧行  
樹杪諸客到寒天險駭將崩石清憐乍坼泉翠華公  
主塔縹緲碧山巔大復山人集  
李濂平坡寺詩蘭若秋烟裏霜林返照中澗迴公土

塔山坼梵王宮草樹如迎客沙禽不避驄攜遊興無  
限行色奈匆匆嵩洛集

薛蕙詩亭午翠微山半路下看山底翠雲生客來准  
擬山中宿雨至何妨洞裏行隔竹泉聲初浙瀝傍巖  
花樹轉分明題詩攜酒兩殊絕翻怪風烟報晚晴西  
原集

廖希顏翠微寺詩翠微西接古神州石磴雲盤閣道  
幽白日烟霞林谷迴長風鶴鶴海天浮僧歸黃葉峰  
前寺水回青龍口下流只道長安天尺五誰云此境  
減瀛洲東寧集

馮惟訥晚登平坡寺詩繡嶺峩紫翠重隔林斜照  
落長松天開洞壑疑無地山向招提別有峯暫以禪

心參聖酒旋教歌管答鳴鐘莫將昏黑催歸騎遠浦  
烟花夕更濃少洲集

龍膺平坡廢寺詩當年曾駐蹕此地一登臺日繞琳  
宮麗雲承玉輦回古垣披薜荔斷碣翳莓苔倚干  
尋石池開萬劫灰松陰殘照下草色晚春催興廢嗟  
何及空山猿嘯哀九芝集

下寶珠洞過龍王堂有獅雲庵燕都遊覽志

自杏子曰度小嶺折而西爲嘉禧寺松檜夾徑里許方  
入寺門游業

嘉禧寺門如城鐵葉釘乳入門道榆柳中地無日影里  
許別爲山門方丈特壯麗懸神宗御書聯筆法仿顏  
卿寺僧云初年筆也寺西二里金萬壽王家一窰碑子

子田畔東三里有福田寺帝京景物畧

朱國祚嘉禧寺詩山墻圍作化人城榆柳陰濃信客  
行始信精廬風日好秋深猶綠牡丹坪介石齋集

馮有經登嘉禧寺山樓作高樓切天浮古木森在下  
峰峰開金碧四十二蘭若芳林擁桃李怪石帖松檟  
人語曠不喧啼鳥無冬夏對此懷巖畔局促何爲者  
帝京景物畧

聖水寺下臨澗泉閣後一松直而多蔭松後石窟夏月  
陰涼坐久毛髮盡豎旁有一石樓極高峻下指村莊爲  
福田嘉禧諸寺燕山紀遊

洪福寺松蘿俱古度念佛橋卽寶珠河也同上

日下舊聞卷二十三終

瀛田

瀛田

聖水寺

帝京地

人語觀

御製開金

燕齊登

守故計

宋國

田東三里

日下舊聞卷二十三補遺

郊坳五

由臥佛寺殿右側出小門西數十步有巨石突立高可三丈鑿石為磴以上為觀音堂前臨池右有泉有橋度橋為隆教寺泉從寺前度泝泉行三里上嶺為五華寺下嶺復循水行再登一嶺為廣泉寺循故道下復上得圓通庵其右為大和庵泉水源于此一方亭據其上傍泉多鳥裨文杏度泉有鳥道行三里許為普濟廢寺寺前一嶺上有小圃中一石如鉢水冬夏不涸村民都取汲于此 山行雜紀

西山碧雲寺元之碧雲菴也耶律阿里吉所建明正德中內璫于經拓之為寺而立冢域于後土人呼為于公

日下舊聞

卷二十三補遺

寺嘉靖初于下獄死天啓三年內璫魏忠賢重修方立  
冢域其後崇禎初魏亦戮屍二璫皆立冢而皆不得其  
終豈名山有靈不爲奸豎藏魄耶冬夜箋記

西山佛寺百數皆建自內官其最閎麗者曰碧雲寺因  
山下上築臺殿金碧露松栝之表其北內官墳墓數十  
鐫石爲闌窮極纖巧翁仲羊虎夾侍墓碑林列其文俱  
宰輔所製中立宮碑二具書總督東廠官旗魏忠賢爵  
秩蓋忠賢敗後其屍已戮其族已徙闔寺猶力護其類  
樹碑立冢然後知小人流禍未有酷于闔寺者也竹

表忠寺俗名鮑家寺永感菴俗名新寺青箱堂集

香山南爲門頭村村後爲萬安山山門上建白塔爲弘

發禪林入門爲大神通塔院寺前爲平臺寬三四十丈  
有亭據其陽寺中殿宇亦高敞殿後有泉飛繞方丈而  
行下坡不半里有祠中列聖賢像祠前上石磴二十級  
卽中峯菴菴有方亭亦名來青軒中峯下有鮑中貴墓  
建有延壽菴門外二松合抱門內石級左右列松四株  
入門復分立四株上爲天王殿內爲佛殿兩廡十三楹  
承之兩廡外更多精舍石砌極工緻山行雜紀

中峯下南過龍泉禪林爲靜妙菴亦名滕公寺蓋滕中  
貴墓也由紅闌板橋入門寺極藻飾方丈在左甚寬廣  
出門循大道而南度慈寺慈應寺崇壽寺宣化寺俱  
荒陋而石塔嶙峋紺殿隱見于松柏蒼翠間又數里至  
萬佛閣過此卽杏子口道傍杏皆老榦多百餘年物絕

似金陵靈谷寺梅也 同上

西山楊家頂觀音庵庭有牡丹萬曆乙卯八月遇閏忽

開一花定陵以八月生閏月宮中重慶萬壽節有中官

聞之以白金六十兩與寺僧取其花進御定陵甚悅賜

予累百金 寄附寄所寄錄

寶珠洞山右有龍泉菴龍廣寺再右接待寺下山西入

谷有證果寺再右有清涼寺 山行雜紀

過承恩寺里許為海藏寺徑磴多嘉樹四山駢羅寺若

當垠口殿後方丈最高壑虛溝橋車騎可數下寺門過

橋澗道三分一通寺一通山後一通上普濟寺 同上

洪元寺東壑中有光裕寺 緱山集

平坡寺下山有靈光寺 同上

太行首于三危伏于河折北而為恒山支巒複岡畢

赴于燕秩秩然後纏屬以東數十百里入于海上土人

以其西來號曰西山 清容居士集

貢師泰游西山次周伯溫韻嚴鐘啓城鑰百辟聯珮

紳斜漢在昂畢搖光正寅華車出廣陌晷采生熙

春陰崖凍猶結陽谷景已新雲林白洶湧石磴青嶙

峒先皇昔游幸顧瞻餘茲辰恍若鐵馬起空留玉衣

陳鼎湖去雖遠元化同其神憑危撫高樹歷覽窮荒

榛梵宇抗疏嶺飛閣騰遐津虛庭潛騰發白日無纖

塵長楊十二衢甲第連居民清時治茲久天地涵深

仁矧茲風氣完且復習俗淳耦耕雜畎畝獨釣當漪

淪高仙去窈邈瑞氣留氤氳于焉契嘉晤頓覺煩抱

仲謩子敬亭下清池翳修筠時時一瓢酒獨酌不計  
巡對此動歸思江海愁畸人 玩齋集

宣和手勅一通卷首題識四字英宗皇帝御書也帝以  
至治三年正月幸五華山有 此書獻者丞相拜住侍

側就題以賜之 道園學古錄

丞相順寧忠烈王阿沙不花侍上于五華殿進寡嗜欲  
薄滋味之戒上嘉其忠忱命進酒王曰陛下既納臣言

不足取信也上為罷酒 黃文獻公集

宛平王倚字輔臣中統初選良家子入侍東宮太保劉  
秉忠見而器之引以與選有詔皇太子裁決天下事拜

正議大夫工部尚書改禮部尚書卒葬盧師山下 靜修

元李魏公孟歐陽楚公元功俱葬宛平縣香山鄉石井

村 黃圖雜志

西山水源頭其西水盡頭爾雅水醮曰厝是也右無名  
子題隣寺壁云雙流泱泱鳴石根失其一棄糠于此中

應從玉泉出 青鞵踏雪志

碧雲寺有小石幢本當時賣地券也演作韻語末云賣  
與中丞阿里吉吉作平聲蓋從國語讀古人游戲翰墨

書分每作韻語如王褒僮約石崇奴券皆然戴良失父  
零丁亦用韻語又見汾州學宮門右有石嵌壁中乃金

郝天挺募建文廟疏其文伏以之下書絕句一首即接  
以謹疏字此皆辨文體者所未及也 同上

昆冊 謹按周憲王作元宮詞云獨木涼亭錫

宴時年年巡幸孟秋歸紅粧小伎頻催酌醉  
倒花前阿刺吉張光弼塞上謠云妖姬二八  
貌如花留宿不問東西家醉來拍手逐人舞  
口中合唱阿刺刺皆以元國語叶韻未免近  
于填詞然填詞必準周伯行中原韻而古  
止作上聲讀刺字止作去聲讀無讀平聲者  
以中原韻作詩猶且不可况逸出中原韻之  
外乎以之入賣地券君于無譏焉矣

郝敬西山絕句西山三百寺十日徧經行歸與家人  
語山多不記名 山草堂集

陸深碧雲寺觀泉作堂辭白玉前寺到碧峯下石幢  
插堵波貝葉翻般若術除决清泉此境極蕭灑琿琿

金珮傳宛轉玉繩瀉緬懷川上心臨流歎不舍曾聞  
貂璫雄揮金事游冶高臺相掩映松篁雜梧檟似識  
舟壑安寧知燕鹿假止觀等殷鑒洗酌泛周學 儼山集

元無名氏題祭星臺詩章宗曾為祭星來鑿石誅茅  
築此臺野鳥未能隨鶴化山花猶自傍人開 順天府舊志

王惲雨後看山作西山盡日塵土面一雨晚來膏沐  
容霽色最堪圖畫處白雲零亂點高峯 秋澗集

又題香山寺詩 逌客當年過玉泉醉中游賞得奇觀  
一泓湛碧浮僧鉢幾葉秋黃打石罨山色空濛金界  
濕松聲清泛海波寒吟鞭回首都門道斜日歸時翠

又陪張右相祭奠司徒忠懿公墓王城西北郊有山  
曰盧師岡遠見盤互野曠欣平夷吾嘗以事來旋軫  
思遲遲有懷德育公攀附隨潛飛一朝際風雲振耀  
生光輝我初拜英表富貴非公誰內焉幽國助上焉  
兩宮知孰云恩澤侯以德中自持近侍足恭謹接物  
餘謙撫由家化而國在理乃所宜及夫司徒公衍慶  
尤熙熙再世保傳功大書見豐碑神龍襲九淵奮起  
須鱗誓伊公漢大橫庚庚隱天機曆數既有在大器  
將安歸君王夙英武監撫非細微寶章猶傳璽改沃  
貴知幾堂堂忠愛心盡此廟社規其報宜伊何子孫  
保無期倏忽三十載山丘兩巍巍生死固常事盛衰

有足疑昂黎銘殿監所以含餘淒我老目多感黃鳥  
声正悲駐車不忍去目下山烟霏同上

徐中行感舊作自別燕臺白可徂華陽碣石搃荒蕪  
独苗一片西山月犹照当年舊酒壚大日山人集

郭第香山寺詩碧雲回首翠干重又听香山寺裏鐘  
乳鵲不飛人寂亡女蘿垂葉桂長松明詩正声

刘秉忠同宋義甫宿香山寺詩摩空削出碧芙蓉繾  
綣香山一帶峯野樹去年曾繫馬閒雲今日復泯龍  
玉鈎三寸月沉水琴調数声風入松清徹夢魂眠不  
得竟來那假曉樓鐘藏春詩集

寶珠洞當山之翠微處地稍坦迤是日平坡入洞黝黑  
畫不見人旁山其上見若大蚌剖而倚石壁者始悟其



中嵌空矣 西山紀遊

*[Faint bleed-through text from the reverse side of the page]*

日下舊聞卷二十四

郊坰六

景皇帝陵在金山口距西山不十里陵前坎窞樹多白楊及樗凡諸王公主天殤者並葬金山口其地與景皇陵相屬又諸妃亦多葬此 長客話

景皇帝陵葬恭仁康定景皇帝貞惠安和景皇后 嘉靖祀典

景孝七年三月謚皇后杭氏曰肅孝皇后 實錄

天順元年二月乙未朔廢景泰帝仍為郕王歸西內皇太后制諭也戊戌命郕王所立皇太后吳氏仍號宣廟賢妃皇后汪氏復為郕王妃懷獻太子見濟為懷獻世子肅孝皇后杭氏及貴妃唐氏俱革其名號癸丑郕王

葬祭禮如親王謚曰辰唐氏等妃嬪賜紅帛自盡以殉葬雙槐歲抄

成化十一年十二月戊子命復郕王帝號勅廷臣曰曩者朕叔郕王踐祚戡難保邦奠安宗社亦既有年及寢疾臨薨之際姦臣貪功生事妄興讒構請去帝號先帝尋知誣枉深懷悔恨以次抵姦于法不幸上賓未及舉正朕嗣承大業於茲一紀每思先儒有言祖父之志而未爲子孫善繼其志而成就之此所謂孝間以帝號之復質諸聖母皇太后亦云此先帝本意宜卽舉行朕祇服嗣訓敦念親親誕告在廷用成先志其郕王可仍舊皇帝之號所有尊謚禮部會議以聞仍令所司修飾陵寢壬辰文武羣臣英國公張懋等議曰仰惟郕

王早僭王爵奉藩京師當先帝北狩之秋狡寇南侵之日郊畿震動神器虛危乃承傳授之命于慈闈俯從擁戴之情于臣庶嗣登大位弘濟艱難拔擢賢才延攬羣策收旣潰之士卒却深入之一鋒保固京城奠安宗社由嚴戰守之師再遣奉迎之使卒致也先悔過先帝回鑾尊養之禮有加讒間之言罔入始終入載全護兩宮仁恩覃被于寰區威武奮揚于海宇奈屬末年寢疾遽罹臣下姦謀巧肆讒庸于臨危請削帝號于既逝尚賴先皇之聖悟旋抵姦宄于誅夷雖舉正之未遑實貽謀之有待皇帝明高日月量廓乾坤孝道丕隆乃先帝所欲爲之素志綸音渙布復景泰所已有之徽稱上慰在天之靈下協率土之議臣等謹擴聞見之蹟庸陳羣議

人公宜上尊謚曰恭仁康定景皇帝己亥命翰林院撰謚冊遣撫寧侯朱永襄城侯李謹定西侯蔣琬祭告天地宗廟社稷英國公張懋詣陵寢上尊謚冊曰維成化十一年歲次乙未十二月丙子朔越二十四日姪嗣皇帝謹再拜稽首上言伏以功業之盛宜享乎徽稱孝愛之隆莫先于繼志叔父邨王此當多難之秋俯徇羣臣之請臨朝踐作奮武揚兵却寇勢于方張致鑿與之遄復奠安宗社軒寧邦家敬養備于奉尊惠化周于逮下偶因寢疾遂至彌留皇考應天順人復正大位眷惟同氣初無間言奈姦臣貪功妄生異議請去帝號退就王封賴皇考日月之明灼知誣枉姦于擬復舊稱不幸上賓因而未果姪嗣守大業敦念親親間以帝號之

復請于聖母伏承慈旨欣然允從是用參合至公祇薦鴻號昭叔父之盛烈副皇考之素心謹遣英國公張懋奉冊寶上尊謚曰恭仁康定景皇帝神靈如在馨是用歆錫慶流方永永無極謹告庚子太常寺奏景皇帝陵寢舊祭用少牢遣內官行禮今既上尊謚其祭儀并遣官請如長獻諸陵從之憲宗實錄

景帝追復謚號始荆門州訓導高瑤初為黎淳所駁辭甚厲訖如瑤請亦公論之不容沮也國史唯疑

世宗謁陵畢過金山特謁景帝陵廟初碧瓦命以黃瓦易之易之

上諭片書夏言景皇帝陵碑偏置門左非宜建亭于陵門之外大門之內庶稱尊崇於是言請作亭蓋覆報可

仁宗諸妃俱陪葬獻陵惟三妃別葬金山宣宗諸妃俱

陪葬景陵惟一妃別葬金山睿皇后錢氏合葬裕陵諸

妃一葬綿山餘葬金山憲廟廢后吳氏墳葬金山同上

皇子葬金山者懷獻世子悼恭太子哀冲太子越靖王

秀懷王斬馘王勝懷王衛恭王許悼王忻穆王申懿王

雍靖王岐惠王涇簡王蔚悼王潁高王薊哀王戚懷王

均思王同上

憲廟十三妃始同為一墓嘉靖十三年以古世婦御妻

皆九宜九妃為一墓同一享殿內作七室兩廂於是金

山預造五墓各九數以次葬焉國朝典彙

金川門之變建文帝闔宮自焚實錄謂中使出其屍于

火中越七日備禮葬之遣官致祭而不言葬地所在或

謂松陽王景請葬以天子之禮成祖從之若葬以天子

豈有不為置陵守冢掌之祠官乎是則備禮云者特史

臣欺世之辭爾至于北京金山口景皇帝陵北相傳有

天下大師之墓好事者實之以為建文帝墳然訪之士

人皆莫辨其處也遜國之事野史紛紜以思恩所獲僧

楊應祥謊為楊應能或又以太監吳誠謊為吳亮且隱

應祥之斃獄而云老佛取入西內又言葬之西山不封

不樹遂指不知何人之墓以為帝墳轉相紀述亡而為

有毋乃為有識者所笑乎又考應祥之獲在正統五年

土官岑瑛執之總兵柳溥械至京師錮之錦衣衛獄是

年太監吳誠坐征麓川失利弗救法司論辟雖得宥死

未必卽給事宮中所傳老佛語誠伏地餽賜鵝肉誠拜而哭其事亦不信崇禎中鞏都尉永固請以建文帝人祀典思陵曰建文無陵從何處祭於是言者謂當祛西山不封不樹之訛而考尋成祖禮葬之蹟是亦癡人說夢矣

兩京雜錄

黑龍潭在金山口北依岡有龍王廟碧殿丹垣廟前爲潭餘四丈水二尺土人云有黑龍潛其中帝京景物畧宣德七年三月以久不雨遣順天府尹李庸祭大小青龍之神其文曰今春已暮農務方興而雨澤未降宿麥不滋朕爲生民主夙夜在懷特用祭告惟神明彰感通早霑甘澍以慰民望實錄

正統九年夏四月雨澤愆期遣太師英國公張輔等

一寺觀九隍及大小青龍之神曰朕憂念民艱靡遑寧處特遣祭告尚祈神化昭彰早降甘澍以慰民望同上萬曆初上謁陵還駐蹕潭上二十六年夏四月其遣正一嗣欽張真人國祥禱于龍祠雨澤如期加護國勅號碑勒之嗣是早禱輒應凡立數碑帝京景物畧

明神宗御製龍王廟碑畫眉山龍王廟在都城西一舍其地故有泉潭相傳以爲龍之所居卽其旁爲廟祀龍王焉成化壬辰憲宗純皇帝禱雨有應新其廟而勒辭于豐碑萬曆十有三年春夏不雨麥稼焦枯以五月往禱于廟淡旬之間嘉澍屢霑郊野霑足三農怵舞爰出內帑金錢重增葺之爲之記而系以銘曰於赫龍王不顯其光上下帝旁嘘翁無方爲雷爲

靈為雲為雨有開必先靡求不與我求伊何黍稷稻  
梁爾與伊何千倉萬箱眉山之下龍王之宇迄用康  
年穀我士女

吉金貞石志

畫眉山在西堂村之北產石黑色浮質而膩理入金宮  
為眉石山北十里有溫泉出焉

帝京景物略

黑龍潭北十五里曰大覺寺宣德三年建寺故名靈泉  
宣宗易以今名數幸焉今圯矣金章宗西山八院寺  
其清水院心

同上

正統十一年三月命工部右侍郎王治督工修大覺寺  
英宗實錄

王嘉謨從破寺入鷓鴣谷詩躋險穿叢樵風去路  
長杏花村店冷柳絮野橋香長嘯志幽寂尋真入渺

茫迷途問何處乘月有歸航

蘇丘集

雍山西北越橫嶺白鹿巖在焉有白石如幢屹立嶺上  
微有字畫然薄蝕不可辨夫嶺外連峯不斷一峯最異  
白鹿巖也巖高數十丈嵌空欲墮中虛可旋兩車巖左  
一隙如牕櫺下視深窅不知所際相傳遠時有仙人騎  
白鹿往來斯巖故名登巖頂矚萬壽山如豎掌指有古  
檜一株根出兩石相夾處盤旋橫繞倒挂于外大可百  
圍色赤如丹砂巖角有茅舍間有西僧居之黃眉紅頰  
采草根和水以食語音不通見人嘻笑而已不知何年  
至此栖遲是山也

大江集

過金山口二十里一石山小峯屏簇如筍張籜峯之尊  
者曰妙高峯峯下法雲寺寺有雙泉鳴于左右寺門內

毘爲方塘，假倚石，石根兩泉源出焉。西泉出經茶竈，繞中雷東泉，出經香積厨，繞外垣，滙于方塘。所謂香水也。金章宗設八院游覽，此其一院。草際斷碑，香沐院三字尚存。帝京景物畧

法雲寺在西山後，遠視惟一山，近則山山相倚，如笋包籜，其根爲一，年雨澗洗，出石骨，每山窮處，卽有小峯，如筆格，寺枕最高處，近寺有雙泉，鳴于左右，過石梁，雙級而上，至寺門內，有方池，石橋間之，水泠然沉碧，雙泉交會處也。上有銀杏二株，大數十圍，至三層殿後，乃得泉源，西泉出石罅，間經茶堂，兩廡繞雷而下，東泉出後山，經蔬圃，入香積厨，而下會于前之方塘，是名香水也。有樓登之，可卧看諸山，右有仁壽松，可蔭數畝，故老云，金

章宗游覽之所，凡有八院，此則香水院也。珂雪齋集

覺山在府西三十里，懸崖之上，與盧師平坡，鼎峙，西有

三泉，曰清泠，曰清音，曰滄至。明一統志

覺山，漢左馮翊韓延壽墓在焉。五華雙泉，翠峯仰山，諸峯環之如屏。燕都游覽志

罕山，志稱韓家山，漢循吏韓延壽家焉。罕，韓音譌也。俗呼黑山，滙黑罕音，又譌也。山黃壤一平岡耳。山陽二寺，曰靈幡，曰延壽，延壽者，太監剛鐵墓前寺也。鐵從長陵靖難，把百斤鐵鎗，好先登陷陣，鎗今存寺中。鐵本名炳，長陵每呼以鐵，遂名剛鐵墓，無石表，無翁仲，惟石墩六，僧云長陵賜鐵坐，凡六故六墩也。一碑無文字，惟皇明司禮監太監剛炳之墓，十一字鐵，後凡掌司禮者祀寺。

左室韓延壽墓在山之南磚甃阜高以丈非漢磚也志云有故碑剝落今碑復不存帝京景物畧

景泰七年十月以故太監李德所建靈福寺并園地賜

錦衣衛百戶李安為香火院實錄

雙泉山在府西四十里山有二泉故名東北二里許有

黑龍灣明一統志

垣牆山一名萬安山在薊縣西五十里山有鐵鼎其下

有舊置冶處太平寰宇記

翠峯山在府西五十里又名遮風嶺以山陰有嶺橫列

如屏可以障風故名明一統志

按一統志所云遮風嶺相其形勢度其道里

當卽寰宇記之垣牆山

桃花峪在府西四十里介乎翠峯遮風間中多花卉明

一統志

日南山磨石口登海會寺寺當山缺遠見盧溝橋在數

十里外橋柱歷歷可數長安可游記

從磨石口西過隆恩寺寺金大定四年秦越公主建名

吳萸寺正統四年太監王振修之改今名帝京景物畧

隆恩寺一檜一松絕奇古殿後大士云是唐遺像又有

修竹百竿一亭據之統以流觴曲水長安可游記

隆恩寺在游會寺南金大定中秦越公主剏殿中供器

皆大內舊銅物也後有滌金佛三大士一云是唐時所

造又有小軒蠟梅一株甚大江南亦不多得燕都游覽

心



分水嶺在府西四十五里山澗諸水至此分而為二  
入盧溝河一入房山界同土

石徑山孤峯特立洎皆鑿石而成最上為金閣寺有塔  
宜遠眺東南行至林衡署有古松數百株參錯平野間  
其地盖先朝果園也燕山紀游

正德十二年五月上微行至石徑山經玉泉亭數日乃  
還石徑山寺朱寧所營建也竈極壯麗乃邀上幸焉武

宗實錄

萬曆中董常侍建元君廟棲羽士一石景山以著山上  
金閣寺可遠眺望萬曆戊子九月十六日駕還日壽宮  
駐蹕功德寺明日幸日景山觀渾河上先登板橋諸臣  
翼而趨中流領問輔臣水從何來申時行對曰從大漠

經居庸下天津則朝宗于海矣上曰視此水則黃河可  
知因勅河臣亟修堤岸帝京景物畧

至元二年都水少監郭公言金時自燕京之西麻峪村  
分引盧溝一支東流穿西山而出是謂金口其水自金  
口以東燕京以北溉田若干頃兵具以來以大石塞之  
今若按視故迹使水道流上可以致西山之利下可以  
廣京畿之漕又言當於金口西預開減水口西南還大  
河令其深廣以防漲水突入之患上納其議元名臣事

至元三年鑿金口導盧溝水以漕西山木石元史本紀

大德六年四月修盧溝上流石徑山河隄同上

至正二年正月申書叅議李羅帖木兒都水傳佐建言

起自通州南高麗莊直至西山石峽鐵板開水古金口  
一百二十餘里創開新河一道深五丈廣二十丈放西  
山金口水東流至高麗莊合御河接引海運至大都城  
內輸納是時脫脫爲中書右丞相以其言奏而行之廷  
臣多言其不可而左丞許有壬言尤力脫脫排羣議不  
納務于必行有壬因條陳其利害曰大德二年渾河  
水發爲民害大都路都水監將金口下閉閘板五季間  
渾河水勢浩大郭太史恐衝沒田薛二村南北二城又  
將金口已上河身用砂石雜土盡行堵閉至順元年因  
行都水監郭道壽言金口引水過京城至通州其利無  
窮工部官并河道提舉司大都路及合屬官員耆老等  
相視議擬水出二城中司窒礙又盧溝河自橋至合流

處自來未嘗有漁舟上下此乃不可行船之明驗也且  
通州去京城四十里盧溝止二十里此時若可行船常  
時何不于盧溝立馬頭百事近便却于四十里外通州  
爲之又西山水勢高峻一金時在都城之北流入郊野  
縱有衝決之害亦輕今則在都城西南與昔不同此水  
性本湍急若加以夏秋霖潦漲溢則不收必其無虞宗  
廟社稷之所在豈容僥倖於萬一若一時成功亦不能  
保其永無衝決之患且云金時此河未必通行今所有  
河道遺迹安知非作而復輟之地乎又地形高下不同  
若不作閘必致走水淺澁若作閘以節之則沙泥渾濁  
必致淤塞每年每月專人拱洗蓋無窮盡之時也且郭  
太史初作通真河時何不用此水而遠取白浮之水引

入都城以供闡壩之用蓋白浮之水澄清而此水渾濁不可用也丞相不從遂以正月興工至四月功畢起闡放金口水流湍勢急沙泥壅塞船不可行而開挑之際毀民廬舍墳塋夫丁死傷甚衆又費用不貲卒以無功繼而御史糾劾建言者李羅帖木兒傳佐俱伏誅元史

河渠志

盧水在帝京西南其北有村曰青菰入谷一里有何將軍別業蘇丘集

金水村去帝京西南三十里清河乏隘夾岍白沙如雪早春芳碧羅生照映大防諸山實異境也同上

濕水卽桑乾河至馬陞山爲落馬河出山謂之清泉河亦曰干泉至雍奴入箭溝謂之合口隋圖經

濕水出鴈門陰館縣東北過代郡桑乾縣南又東過涿鹿縣北又東南出山過廣陽薊縣北水經注

桑乾泉卽涿涑水也其水潛承太原汾陽縣北燕京山之大池古老相傳有人乘車于池側忽遇大風飄之於

水有人獲其輪于桑乾泉故知二水潛流通注矣桑乾水自源東南流右會馬邑川水東南流合濕水桑乾水

濕水並受通稱矣同上

大業七年征高麗煬帝遣諸將於勳城南桑乾河上築社稷二壇帝齋于臨朔宮懷荒殿通典

裴行方檢校幽州都督引盧溝水廣開稻田數千頃百姓賴以豐給冊府元龜

過盧溝河使云恐乘橋危以車渡極安而速濟不曉

其法復遼錄

盧溝河水極湍激每候水淺深置小橋以渡歲以為常  
近年於此河兩岸造浮梁建龍祠彷彿如黎陽三山制  
度許奉使行都錄

盧溝河亦謂黑水河河色最濁六急如箭北轅錄

盧溝去燕山三十五里宋敏求謂之蘆菰河即桑乾河  
也石湖集

大定十年議決盧溝以通京師漕運上忻然曰如此則  
諸路之物可徑達京師利孰大焉命計之當役千里內  
民夫上命免被災之地以百官從人助役已而勅宰臣  
曰山東歲饑工役興則妨農作能無怨乎開河才欲利  
民而反取怨不可其姑罷之十一年十二月省臣奏復

閉之自金口疏導至京師北入壕而東至通州之北入  
潞水計工可八十日十二年三月上令人覆按還奏止  
可五十日上召宰臣責曰所餘三十日徒妨農費工卿  
等何為慮不及此及渠成以地勢高峻水性渾濁峻川  
奔流善崩濁則淤淖成淺不能勝舟其後上謂宰臣曰  
分盧溝為漕渠竟未見功若果能行南路諸貨皆至京  
師矣平章政事駙馬元忠曰請求識河道者按視其地  
竟不能行而罷金史河渠志

大定十九年有司言盧溝河水勢泛決嚙民田乞官為  
封冊神號禮官以祀典不載難之已而特封安平侯建  
廟二十七年奉旨每歲委本縣長官春秋致祭如令金  
史禮志

初盧溝河決久不能塞加封安平侯久之水復故道上  
日鬼神雖不可窺測即獲感應如此徒單克寧奏曰神  
之所佑者正也人事乖則勿享矣報應之來皆由人事  
上曰卿言是也世宗頗信神仙浮圖之事故克寧及之  
金史本傳

二十五年五月盧溝決于上陽村

世宗紀作二十六年

先是決顯通寨詔發中都三百里內民夫塞之至是復  
決朝廷恐枉費工物遂令且勿治二十八年五月詔盧  
溝河使旅往亦之津要令建石橋未行而世宗崩大定  
二十九年六月章宗以涉者病河流湍急詔命造船既  
而更命建石橋明昌三年三月成勅命名曰廣利有司  
謂車駕之所經行使客商旅之要路請官建東西廊令

人居之上曰何必然民間自慮為爾左丞守貞言但恐  
為豪右所占况罔利之人多止東岸若官築則東西兩  
岸俱稱亦便于觀望也遂從之

金史河渠志

盧溝河其源出于代地名曰小黃河以流濁故也自奉  
聖州界流入宛平縣境至都城四十里東麻谷分為二  
派

元史河渠志

元太祖將兵南下中都降王檄進議田野久荒而兵後  
無牛宜差官盧溝橋索軍回所驅牛十取其一以給農  
民用其說得數千頭分給近縣民大悅復業者眾

元史本傳

武沒真之墓在盧溝河之側山水環繞插矢以為垣邏  
騎以為衛濶踰三十里相傳武沒真生於此故死葬于

此黑達事畧

至元十六年五月進封桑乾河洪濟公為顯應洪濟公

元史世祖紀  
延祐四年盧溝橋澤畔店琉璃河並置巡檢司 元史百官志

至正十四年四月造過街塔于盧溝橋 元史順帝紀

明洪熙元年七月水决盧溝橋東狼窩口岸一百餘丈

命行後軍都督府行部發軍民修築 仁宗實錄

宣德三年六月渾河水溢衝决盧溝河堤百餘丈行在

工部奏聞上命併力用工二月修盧溝橋凌水所决河

口四年四月命侍郎羅汝敬往督九年六月水决渾河

東岸自狼窩口至小屯厥行在工部請修治從之命都

督鄭銘董其役 宣宗實錄

正統元年七月命行在工部左侍郎李庸修狼窩口等

處隄二年二月李庸請建龍神廟于隄上且令宛平縣

復民二十戶自石徑山至盧溝橋往來巡視從之四年

六月小屯厥西隄决詔發附丁夫修築七年十一月

築渾河口九年三月修盧溝 明英宗實錄

成化七年二月撥官軍五千 以少監高通都督鮑政工  
部侍郎李顥修築盧溝橋隄 憲宗實錄  
弘治三年五月修築盧溝橋成內官監太監李興乞陞  
又思院副使潘俊等官吏部尚書王恕謂官匠營造乃  
其職分自成化初年以前修河築隄並無陞官事例比  
石營先帝山陵所役軍匠至四萬人亦未有陞職者此

役較之山陵不及三之一顧欲濫陞官甚失輕重之序上從其言命給賞有差

孝宗實錄

嘉靖四十一年八月盧溝西南隄壞命工部尚書雷禮往視禮還上修築事宜謂盧溝橋東南有大河從麗國莊入直沽下海沙泥淤塞十餘里稍東有岔河從固安入直沽下海地勢稍高宜先疏濬大河令水歸故道然後繕築長堤其次口地里土浮水深流急人力難施而西岸有故堤約長八百丈宜按遺址繕築仍委幹局官九人分爲九區并力責成又言橋東西岸礮石不堅當俟决隄完之日加工繕治報可

世宗實錄

盧溝河發於太原之天池伏流至朔州馬邑從雷山之陽發爲渾泉而爲桑乾河雁門雲中諸水皆會焉過懷

來行兩山間拗束齟齬不得肆至京城西四十里石徑山之東地勢平而土脈䟽衝激震蕩遷徙弗常永樂正統間狼窩口大决爲京師患屢嘗修築弘治二年發軍民夫治之至嘉靖三十年以後東岸隄决幾二十處於是以三十五年興工次年橋工告成是河安流者數歲四十一年西南又决復行修理隄岸始堅

本部備考

盧溝河出太原天池伏流至朔州馬邑從雷山陽湧爲金龍池迤邐東下曰桑乾河雁門雲中諸水皆會由大同古定橋抵宣府保安州過懷來行兩山間至京城西四十里石徑山之東地平土䟽衝激遷徙不常至看丹口分爲二一東流至通州高麗莊入白河是爲渾河一南流至霸州合易水又南至丁字沽入運河

吳文恪公

桑乾水發源于渾源州經保安之境則自懷來夾山而下至盧溝橋狼窩地方衝溢為患漫至彰義門先朝屢經修築為費不貲今保安境上聞有用土牛逼水成田者若督責有人多方招募使桑乾上流皆引水成田則豈惟保安之田恃以無患而懷來以下水患亦殺矣

水客譚

盧溝本桑乾河俗曰渾河在薊城西南四十里有石橋橫跨二百餘步橋上兩傍皆石欄雕刻石獅形狀奇巧金明昌間所造兩崖多旅舍以其密邇京師驛通四海行人使客往來絡繹踈星曉月曙景蒼然亦一奇也

司成集

盧溝而下舟楫時有之盧溝而上直達宣府之保安州故元運道也自大同縣古定橋起至盧溝橋務里村止約八百餘里內可以舟行者七百二十七里驢駝般運者八十八里

水部備考

盧溝河在府南四十里即桑乾河也亦名渾河府西百里有清水河流逕大臺村又西北百餘里有小溪流逕青口村俱入之其上為百花陀十八盤青山摘星諸嶺嵩谷幽邃直聳雲霄人騎罕通僅容一綫

名勝志

盧溝橋金明昌初建正統間重修長二百餘步左右三欄刻獅子數百枚情態各異

長安客話

蘇軾詩曰北渡桑乾水欲結心畏穹廬三尺雪南渡桑乾風始和冰開易水應生波蓋桑乾下流為盧溝以其



濁故呼渾河以其黑故呼盧溝燕人以黑爲盧水本一也

燕都游覽志

嘉靖十年命工部郎中陸時雍修盧溝河以支流導入于海三十四年命修盧溝河從柳林通鷄房導入大河四十一年命工部尚書雷禮修盧溝河先濬大河令岔河水歸故道從麗莊園入直沽下海凡三易治而世宗朝盧溝無患也

皇都水利考

盧溝曉月爲畿輔八景之一崇禎三年後風景蕭條議者謂此畿輔咽喉宜設兵防守又須築城以衛兵於當橋之北規里許爲斗城局制雖小而崇墉百雉儼若雄關城名拱北二門南曰永昌北曰順治於崇禎丁丑特設參將控制之

破夢閒譚

盧溝河畔元有苻氏雅集亭蒲道源詩盧溝石橋天下雄正當京師往來衝苻家介側敞亭構坐對奇趣供醇醪又有野亭見貢仲章雲林詩集今一望礪礪并民居亦寥寥也

辛齋詩話

范成大盧溝作草草輿梁枕水低匆匆小駐濯漣漪河邊服匿多生口長記輜車放雁時

石湖集

趙秉文盧溝詩河分橋柱如瓜蔓路入都門似犬牙落日盧溝溝上柳送人幾度出京華

滄水集

劉迎推車行渾河洶湧從西來黃流正觸山之崖山崖路窄僅容過小誤往往車輪摧輪摧料理動半日後人欲過何艱澀深山日暮人已希食物有錢無處覓何時真宰遣六丁鑿此疊嶂如掌平憧憧車馬山

西路萬古行人易來去

山林長語

楊真詩燕姬歌處轉鶯喉燕酒春來滑似油自有五

陵年少在平明騎馬過盧溝

還山遺藁

陳孚盧溝曉月詩長橋彎彎眠海鯨河水不濺水崢  
嶸遠雞數聲燈火杳殘蟾猶映長庚橫道上征車鐸  
聲急霜花如錢馬鬣濕忽驚沙際金影搖白鷗飛下  
黃蘆立觀光集

盧亘盧溝卽事詩幽薊忽如九天上俯視左右入燕  
齊萬里南來太行遠蒼龍北峙飛雲低岡迴門掩花  
柳暗川平百里風烟迷丈夫出門自有樂人生何必  
長棲棲皇元風雅

貢奎盧溝野亭詩出郭野塵絕青山開畫圖迴岡萬

井聚虹梁薦川涂杳杳車駕集交臂無寧軀粲此一

畝宮而有靜者居花木明窈深魚鳥樂澄虛濁醪得

釀法好客時與俱昔我東南來萬里馬力瘁解鞍道

傍樹塵渴嘗自沾題詩忽在眼日暮飛雲孤

雲林集

袁楠題盧溝烟雨圖作驅馬上河梁圓暈新雨紋矯

首層闕魏翔鸞以奇氛猗南雙松樹百里風聲聞東

髮入紫京去住心如焚送客醺我觴我醺不得醺願

化爲黃鶴朝夕隨飛雲上以奉明主中以承嚴君往

復三十年奇齡合氤氲結袂安期子啟齒歌瓊文

清

容居士集

陳高盧溝曉月圖詩盧溝橋西車馬多山頭白日照

清波瓊蘆亦有江南婦愁聽金人出塞歌

陳子昂存

稿

胡儼過瀘溝辭洪流兮桑乾汨盤折兮潯灣架石梁  
兮橫波瀨淺兮激湍白石兮齒齒際平沙兮浩漫攬  
予轡兮東馳望天門兮九關雲飛飛兮來迎水泠泠  
兮山青回颺兮遠度木夔夔兮禽聲予欲訊兮九河  
碣石逝兮嗟峩渺滄海兮無極倪臨風兮浩歌

胡  
酒集

趙寬題盧溝曉月圖詩銀河半落長庚明城高萬戶  
皆雞聲長橋臥波鰲背聳上有車馬蕭蕭行蒼煙淡  
接平蕪迥沙際朦朧見人影舉頭一望天宇高殘月  
蒼蒼在西嶺

半江集

黃佐曉發盧溝望京師詩大車啟地揚塵起小車

輒鳴不已蒼涼似是長安日嗚咽元非隴頭水玉輦

南行築將臺九重宮闕何崔嵬盧溝橋上闌干曲不

似行人腸九迴

泰泉集

喬世寧盧溝橋詩立馬重舍愁况臨溝水流風沙日

暮起何處望京樓

丘隅集

吳國倫盧溝橋詩迴車薊北門飲馬桑乾水宛宛青  
龍橋頽波逝如駛矯首望帝居宮殿錯如綺飄風忽  
西至黃沙蔽天起不見郭生臺歎息張華里喧喧行  
路人日異去未已顧我志已荼徘徊在河涘

藁

饒魏洞

錢徽盧溝橋西村庄作盧溝橋西開隱扉方塘曲檻  
故依依帝城遙望雲龍護高館間隨野鹿歸落日遠

山明斷塔暮煙衰柳帶餘暉清谿小艇堪忘世忽憶

江南舊釣磯

承啟堂稿

嵇元夫立秋日盧溝送新鄭少師詩單車去國路悠  
悠綠樹鳴蟬又早秋燕市傷心供帳薄鳳城回首暮  
雲浮徒聞後騎宜乘傳不見羣公疏請留三載布衣  
門下客送君垂淚過盧溝

白鶴園集

顧起元盧溝橋詩西山籠霧曉蒼蒼一綫桑乾萬里

長最是征夫望鄉處盧溝橋上月如霜

嬾真草堂集

唐時升盧溝橋詩回憶西郊送客亭官橋殘月酒初

醒桑乾河畔千絲柳直待行人去後青

三易齋集

范成大九日過盧溝水調歌頭詞萬里漢家使雙節  
照清秋舊京行遍中夜呼渡濟黃流寥落桑榆西北

無限太行紫翠相伴過盧溝歲晚客多病風露冷貂

裘對重九須爛醉莫牽愁黃花爲我一笑不管鬢霜

羞袖裏天書咫尺眼底關河百二歌罷此生浮惟有

平安信隨雁到南州

石湖樂府

張埜過盧溝滿江紅詞半世乾忙漫走遍燕南燕北

凡幾度馬蹄平踏臥虹千尺眼底關河仍似舊鬢邊

歲月還非昔凭闌干唯有石狻猊曾相識橋下水東

流急橋上客紛如織把英雄老盡有誰知得金斗未

懸蘇子印綠苔空漬相如筆又平明衝雨入京門情

何極

古山樂府

鮮于必仁折桂令曲出都門鞭影搖紅山色空濛林  
影玲瓏橋俯危波車通遠塞欄倚長空起宿靄千尋

臥龍掣流雲萬丈垂虹路杳踈鐘似蟻行人如步蟾  
宮樂府羣珠

袁煒重修盧溝河隄記畧盧溝襟帶都城之西頃年  
沙洲突起下流填闕水失故道隄決衢走西南百  
餘里事聞遣工部尚書雷禮暨掌工部尚書徐杲相  
度規畫條上事宜上發帑銀三萬五千勅太監張崇  
侍郎呂光洵指揮同知張鐸御史雷稽古董其役仍  
令禮月一往視經始於嘉靖壬戌秋九月報成于癸  
亥夏四月凡爲隄延袤一千二百丈高一丈有奇廣  
倍之較昔修築堅固什伯矣於是臣禮請立石紀其  
事乃命臣煒爲之記

天啟元年十二月御史李日宣議于都門抵良鄉界五

十里如長店大井柳巷五里店太平壩等處每五里築  
墩堡宿兵十名遇有竊發協力出救又盧溝橋至趙村  
十里趙村至良鄉二十里僅有盧溝橋巡檢弓兵二十  
人難以策應宜一體設備以遏亂源得旨卽行

錄

滴水巖在萬山中出磨石口至三家郵渾河倒映崖壁  
峭絕皆作丹黃青碧色河流其下逕紆其上度十餘里  
入軍庄一峯側出而腹藏洞者爲建陽洞拾河行棗園  
越仰山嶺亂山擁塞幾不得路循山趾行夾壁中有郵  
臨谷口爲桃源郵前孤峯矗立中有洞昔人避兵處  
也復沿澗過仰山郵山多梨樹秋深紅葉如燒折而西  
上黃牛岡口逕愈仄壁愈狹峯愈變轉十八疊石垣而

壁屋而丹是謂滴水巖矣懸崖千仞巖洞皆削成無縫  
泉布石面大珠小珠遊移如屋漏然旁有穴燃炬以入  
廣可三十餘丈洞中石乳爲蓮花垂爲象鼻右一石牀  
幕以石龍見其上中石均開其實側身螺旋而下水光  
所射幾滅炬再入則潭深莫測矣從巖側取逕而上杖  
履鏗然山石骨而中虛俯巖背視巖猶谷底二十里至  
北頂連岡伏嶺勢反平坦可望居庸諸塞歸從仰山寺  
金大定中棲隱寺也燕山紀  
三家村盡出渾河崖八里過軍莊外臨陡崖內倚絕壁  
以兩手捫石而度抵棗園背河入山度仰嶺十八盤有  
村名桃源過此皆流泉峭壁遍開野菊金鈴聚花如織  
組澄潭紫石了了見底左右度澗行至陳莊鳴泉出戶

下兩旁高峯夾之雞六石門真一洞壑又背泉入山路  
僅一綫上黃牛岡口益險隘自此而登左萬丈溪右千  
仞壁徑斷處架以棧過張公洞卽滴水巖矣長安可游  
記

從滴水巖至大雲寺山最高是西山萬峯之嶺也燕山  
紀游

大定二十年正月勅建仰山棲隱禪寺命元冥顯公開  
山賜田設會度僧萬人續文獻通考

仰山峯巒拱秀中頂如蓮花心旁有五峯曰獨秀翠微  
紫葢妙高紫微中多禪刹以在西山外更西四十餘里  
故人迹罕到金章宗嘗遊焉有詩曰金色界中梵率景  
碧蓮花裏梵王宮鶴鷺清露三更月虎嘯疎林萬壑風

今石刻尚存 長安客語

仰嶠叢林為燕京之最恭和中主事僧奏請萬松老人  
住持上許之萬松忻然奉詔其後章廟秋獵千山主事  
輩白願故事車駕巡幸本寺必進珍玩不爾則有司必  
有詰問師曰富有四海貴為一人豈需吾曹珍貨哉手  
錄偈一章有成以符野恢天綱呂尚漁磯浸月鈞之句  
誦行宮進之大象聖寶龕日章廟入山行香屢垂顧問  
仍御書詩一章道之車駕還宮遣使賜錢二百萬使者  
傳勅命師跪聽師曰出家兒安有此例竟焚香立聽詔  
旨湛然居士集

下黃牛隘口取仰山道轉一岡為南莊復歷峻坂土中  
有三斷石讀之乃知為大興府西連山棲隱寺金大定

初建者五峯八亭章宗屢游之常題詩刻石今亡矣惟  
二碾藥鐵輪尚存又有學士劉定之記絕頂曰蓮花峯  
有舍利塔右一峯為筆架峯八亭惟列宿招涼可記餘  
俱未雅馴 長安可游記

趙孟頫仰山棲隱寺滿禪師道行碑記畧曰師名行  
滿字萬山俗姓曾氏其先出東魯曾子後祖仕江右  
遂為太和人至元庚辰至仰山有會心處遂留薙髮  
禮澤菴為師更今名又叅學四方雲門臨濟皆得其  
髓大德癸卯仰山學者請師歸舊隱聲聞大振梵僧  
宣政使相迦失里功德使大司輦真吃刺思相慕為  
道友武宗在北邊下令施鈔萬貫造文殊菩薩像思  
幸其寺施金百兩銀五百兩鈔六萬貫賜號佛慧鏡

智普照大禪師勅尚方造織成金龍錦緣僧伽大衣  
窮工極巧經歲乃成命有司作尊勝塔於東嶺及建  
明遠觀光二亭以備臨幸蓋棲隱寺始建於遼至師  
為二十六代云銘曰峩峩仰山如青蓮華中有寶坊  
古佛之家天王衛門地神扶棟參差珠閣歲蕤金鳳  
鬱鬱青松羅蒼玉林清風過之振海潮音住此山中  
有大禪老宴處寂靜萬緣皆了師以佛心為國回嚮  
為恒河沙功德無量 松雪齋集

北京仰山寺有姚少師畫像自贊其上云這箇禿厮忒  
無仁聞名垂千古不值半文 郊亭詩話

吳寬仰山寺觀姚少師像詩城裏僧廬揭仰山姚公  
於此昔投閒顧瞻圖畫長廊外拂拭塵埃破壁間困

虎封侯頭可相真龍 毗主手親攀朱衣玉帶官師貴  
最愛跣趺靜掩關 翁家藏集

盧溝橋西北三十里為灰廠出灰廠入山兩壁夾徑行  
百折徑盡始見山門有高閣在山中央可望渾河蓋山  
麓至中板橋僅十餘里爾閣後有軒處巖上折而右即  
戒壇壇在殿內甃石為之中有高座為每年說戒之地  
周圍皆列戒神四月八日游僧畢集聽戒壇創自隋唐  
間國朝重建遼金時所 松具在 長安客話

戒壇入山二十餘里始見山門壇在殿內閣前古松四  
株翠枝穿結覆蓋一院 瀟碧堂集

登獅子巖凡十八轉始及戒壇壇為景皇帝區畫地開  
山即鵝頭法師名道孚者 墨響齋集



戒壇在西山最深處渡渾河西行可二十里兩崖中通  
一徑丹林黃葉與青巒碧澗錯出如繡遠望西北一峯  
如靈壁石以爲戒壇必在其下過永慶菴呼山僧問之  
曰極樂峯也西行不五里石闌丹壁已至寺門寺肇自  
唐武德中舊名慧聚至明正統乃易名萬壽殿堦四松  
離奇夭矯皆數百年物折而北一坊西向額曰選佛場  
殿宇宏麗闌柵參差壇在殿中以白石爲之凡三級周  
遭皆列戒神出壇而南至波離殿殿前途金碑各一皆  
波離尊者行實也有太古洞最勝列炬而入百乳千螺  
俱成佛像不知其深幾里也燕都游覽志  
過永慶菴一里爲萬壽戒壇正統中如幻律師說戒于  
此殿外金瘡碑各一上千佛閣俯渾河正曲句其三面

如玦然閣之下幻師安禪處其遺衣鉢藏焉西上石徑  
上極樂峯道也觀音洞大于室化陽洞洞口垂藤幙之  
秉炬入如智井半里有龍躍有魚游有獅坐石外所疑  
也再入有石佛危坐西鑿一穴冥冥然下與渾河通洞  
一名龐涓洞又有洞名孫臏者在此洞西其廣二十笏  
一石龜伏焉二子師鬼谷在扶風然臏故燕人房山上  
樂村有孫臏墓碑誌行焉以二洞故指山下枯澗爲馬  
陵川是山適名馬鞍謬也西又五里至極樂峯峯下亦  
有洞石乳痕滴終歲人無至者帝京景物畧

嚴嵩九日登戒壇寺閣詩梵閣千峯裏征驂九日來  
松蘿禪逕入龍象法筵開黃菊寧簪帽青蓮獨上臺  
如堪授真戒吾此息氛埃塵跡何因到名山不易逢

谷深微辨徑寺進始聞鐘古樹寒飈急幽軒夕翠濃  
菊觴違雅集相憶在高峯

鈴山堂集

公鼎游西山戒壇詩梵宇臨芳甸層臺接太虛九州  
旋遠地萬仞廣巖居山鳥伽陵喚巖花簷蔔舒大千  
歸墨點兀坐正愁予

問次齋稿

黃輝望戒壇詩坐月松枝暖春風記昔游露尊調白  
鳳雪曲醉蒼虬古洞花難發孤琴水漫流惟餘西嶺  
色猶向茂陵秋

慎軒集

馬鞍山龐涓洞兩壁皆石乳瀝成物狀有如繪畫旁扃  
一石門啟門以火燭之有石如龍沙擁為洲一井絕深  
投以瓦礫不知所止相傳井與渾河通有人投一犬井  
中驗之果從渾河流出

長安客語

自戒遠至西峯寺山門有泉最冽

問次齋稿

潭柘寺晉曰嘉福寺唐曰龍泉寺舊志謂有柘千章今  
無矣燕人諺曰先有潭柘後有幽州此寺之最古者也  
春明夢餘錄

潭柘寺相傳寺趾本青龍潭上有柘樹祖師開山青龍  
避去潭平為寺今殿壁猶是遼金前所繪

問次齋稿

西山潭柘寺殿中二蛇長五尺餘名大青二青藏紅篋  
中篋標護法龍王蛇無定止或自逸野中鳴鐘則至恒  
自篋穿鑪足交嶠供桌上

耳譚

潭柘以一培塿當羣山心九峯展而立焉兩殿鳩工絕  
金元時故物也

緜山集

潭柘寺去都西北九十里徑羅睺嶺行藜棘中頽山四

八里許一山開九峯列見寺雙鳩吻今佛殿基故潭也  
華嚴師時潭龍聽法一夕大風潭則平地兩鳩吻湧  
出今殿角鳩也柘今已枯長不盈丈寺有青蛇大如盃  
長五尺僧能馴擾之呼曰龍子元妙嚴公主持觀音文  
禮大士拜痕入磚額手足五體皆印歲久磚壞兩足痕  
存曆壬辰孝定太后匣取入覽後遂匣藏之紫栢係  
以贊像因林立大士前左前元世祖右前其后左次其  
子右次妙嚴也妙嚴祝髮于是塔是山之下寺碑六金  
碑二明昌五年僧重玉詩大定十三年楊節度記元碑  
二至正八年葛天麟記至正某年危素記明碑三正統  
某年胡淡記弘治十年謝遷記萬曆中紫栢送龍子歸  
潭文也寺晉梁唐宋代有尊宿而唐華嚴為著元至正

間順帝賜雪礪酒皇妹致膳明永樂間則姚少師道衍

萬曆間則達觀大師真可寺先名嘉福後名龍泉獨潭

柘名傳久不衰帝京景物畧

卑柘寺有元妙嚴公主拜輓雙趺隱然幾透磚背相傳

妙嚴為元世祖女削髮居此日禮觀音不輟遂留此跡

萬曆壬辰孝定皇太后欲經懿覽貯以花梨木匣迎入

大內後復送歸寺紫栢禪師語錄

卑柘寺東有泉出石罅中黃葉白雲繚繞其上疏其滯

果泉響益琤琤不絕長安可游記

卑柘山環山無柘惟殿左有枯株久仆云是龍淵遺蹟

寺碑胡尚書淡文夏太常景書也寺肇于唐重飭于金

大定門元燬于兵國朝宣德初更拓賜名龍泉寺游業

金釋重玉從顯宗皇帝幸龍泉寺應制詩一林黃葉  
萬山秋響仗叅陪結勝游怪石爛編蹲玉虎老松蟠  
屈臥蒼虬俯臨絕壑安禪室迅落危崖瀉瀑流可笑  
紅塵奔走者幾人於此暫心休 吉金貞石志  
郭武潭柘寺詩潭柘山高處金銀佛寺遙斷崖吹石  
雨虛閣倚煙霄 社還攜酒話溪欲棄瓢白頭僧自  
老相對說前朝 聯珠集  
公隴潭柘南村作芙蓉村下綠溪環剝木通流亂石  
間十里濃烟松不斷隔林鐘磬落前山 問次齋稿  
雀兒菴在潭柘後山五里金章宗幸此彈雀彈發不虛  
章宗喜卽行幄爲菴曰雀兒後方僧來住以臆造佛母  
孔雀明王佛像遂更孔雀菴然人呼雀兒菴如初 帝京

景物志

宛平縣西百二十里王平口四圍皆山中有平原可數  
十畝地暖饒藥草花木春夏之間紅紫爛熳香氣郁鬱  
金章宗常游之所憇石牀尚存 燕山叢錄  
府西一百二十里由王平口過大漢嶺抵沿河口元女  
廟是百花山足也 帝京景物畧  
由門頭村登山數里至潘闌廟三里上天橋從石門進  
二里至孟家衝衝民皆市石炭爲生三里至流水壺泉  
自石罅分流灌園板磴三里至官廳路凡十七折至風  
口巖兩山踞立如門有菴房墩間徑十字道踰磴數里  
折而下爲王平口山坳多核桃柅石壁峭削如碧玉又  
數里至齋石臺路亦峻又數里至板橋村庄多以石板

戾屋至千軍臺四山空翠欲濕衣裾出谷二里許爲王  
老菴石澗淙淙有聲十五折見高松蓋出天際乃太  
漢嶺也踰嶺有大士殿松下石碑字俱蝕不可辨盤曲  
而下數里至泥窩三里上楊家臺徑頗平又里許下坡  
入山谷有澗水浸山根石皆赤亦有碧者從亂石徑中  
行二里出谷爲軍下村溪澗十丈餘平沙細石流水分  
兩村下引入地畦再北有石廟自廟涉澗則西河村也  
又二里爲龍王廟相近有守禦城出小西門元女廟在  
焉長安可游記

至平口正城一道上四口俱弘治年建四鎮三關志  
渡石澗上馬關山折旋左右至法幢菴五里可來騎又  
五里離徑坦然矣妙菴也帝京景物畧

出汧河守禦城西門渡石澗進馬關山曲折上坂石不  
磊磊難步陟至法幢菴又五里至馬關村登三大士閣  
一松高十丈餘歷磴而上三里許翠峯壁立又二里坂  
躋叢木中再上見籬徑石垣乃妙菴也中設大士像長安可游記

嶺西行數里千佛山又數里觀音山山舊有菩提樹仙  
人橋望海石下嶺復上嶺者數迎前壁立考鶴子山也  
帝京景物畧

自妙菴從嶺西折路甚狹數里上千佛山一名黑風山  
又數里爲觀音山再上爲大悲崖旁有仙人橋菩提樹  
樹已遭伐矣又上爲望海石嶽峯巉削踰嶺凡七見有  
石壁峭立爲鶴子山路更險仄達千佛巖怪石攢簇多

似人形坐視觀音山如在懷抱間 長安可游記

度關王嶂行百花中一里進籬門石洞禮文殊法身塔

登菩薩頂是百花山頂也 帝京景物畧

宛平縣西二百里有百花山特多花卉有不可名者薊

中不產蛇獨此山有七寸蛇至毒被蝨者不救 燕山叢

錄

鶴子山三里餘過關王嶂始躡百花山腰西北兩山秀

甚云東西二靈山也西北為小五臺山花多目所未覩

紅黃紫翠不可名狀一色者跗萼各殊有名天花者尤

嬌艷可愛行里許忽聞鐘聲前進入籬門過石洞殿上

設文殊金像高一丈三尺有塔云是法身塔上菩薩頂

峯三以小石更累成尖風吹不去有登者老僧必勸累

之云種佛因也 長安可游記

下菩薩頂又入百花中東龍王頽廟北大士殿下千佛

巖花被逕八里多于前過白水菴行泉聲二里一松標

瑞雲寺寺即五代時李克用建亭故處俗曰百家寺也

寺有摩訶祖師法身有摩訶煮石鑄宣宗曾取視賜以

龍袂歸寺有摩訶捧龍石龍逸祖師追捧之今龍迹宛

在石也 帝京景物畧

下坡之半山花較初登為多折而西為龍王廟廟已圯

惟殿僅存五龍王分列中供龍母北折為大士殿下厓

取道瑞雲寺約八里至白水菴山名菩薩巖又行里許

有巨石當路界于澗中遠見一松映對即瑞雲寺也俗

呼百家寺入禮摩訶祖師山僧出摩訶鍋相示黑潤如

古銅鑄僧言曾三入大內供養出寺度小橋下菩薩崖  
二里爲曹村又數里至史家營煮沙之人皆聚于北  
長安可游記

菩薩崖在府西北一百二十里山畔有三石佛像  
明一統志

宛平縣史家營太山有石如臼相傳昔有仙人居此白  
中每日產米隨寺衆多少取給不乏後有僧厭其險峻  
鑿石穴通之穴成而米絕  
燕山叢錄

從史家營緣石澗而上甚危險巨石巉峻仰視欲墜云  
卽燕山石塘以山頂泉出其下故名踰二大嶺路始平  
廣又數里爲山神廟上敷武卽妙菴也  
長安可游記

宛平西黑雲山有兩穴扣之聲若鼓掩其一則無聲  
燕

山叢錄

薊縣笄頭山有溫泉治百病  
太平寰宇記

西湖山在府西一百里下有溪潭  
明一統志

青山嶺在府西一百五十里山四面高聳中坦平多產

三七諸藥  
同上

百望山南阻西湖北通燕平背而去者百里猶見其峯  
故曰百望  
長安客話

百望山之陽有祠焉高十五丈登之可望京師出百望  
十里爲長樂河河水不甚濶而流駛又北二里爲玉斗  
潭腐草掩之深不可測傳有兩牛飲而鬪陷于潭無迹  
又北十里爲灌石駐蹕山在焉  
薊丘集

京西北諸山連綴共一百八十里半隸昌平其隸宛平

境內與昌平錯壤者出百望山北四十里入南谷有聚焉是名漆園園之南有雅思山幽晦多霧山陷而為坎有池曰露池 長安客話

自漆園出西十里許有高崖崖下有泉遶之又西北十里為清水澗兩山如門行可二十里山皆奇峭龍從飛泉澎灑決地分流聲激崖穴厓間百合忍冬棠柱牛妳相思郁萸黃精唐求之屬紅翠舍濡鳥窠雉口山鹿之毳豪豬之毛徧于巖谷有嶺曰鰲魚又西里許山益峻有蘭若二上曰松陽下曰金鷹金鷹下控大巖巖吐百

薊丘集

穴匯而為湖決而東流是為清水之源出百望西北六十里有陁曰十八盤山有湯泉云是遼后浴處西一舍碧駕鷹揚高峙南北有湖焉小而深在

碧駕之巖團結不見每春夏之交山水增流則湖益清

可鑿曰合抱河 長安客話

臥龍岡在府西北四十五里山石俱青惟此獨白岡脊蜿蜒二十餘丈正統間車駕嘗幸此 明一統志

石窟厓在府西北一百一十里 同上

白鐵山在府西北一百八十里山多白石其堅如鐵 同上

顏老山在府西北一百九十里山之西南有石青洞東

北有柳林水 同上

小龍口山在府西北一百九十里山有兩厓東厓在清白口社西厓在清水社有泉東入盧溝河 同上

栢山在府西北清白口社山四旁多產栢故名上有栢



山寺 同上

西山有君子口疑卽寰宇記所云君子城譌爲箕子城者也 淶水亭雜識

儲懽君子口詩三間茅屋十弓耕了却官租便此生聞道薊門憔悴甚麥田都屬五軍營 柴墟集

駕到口在西山其曰駕到不知何年事 淶水亭雜識

李濂駕到口詩宛轉山無盡躋攀興未闌衣裳沾霧

濕石磴鑿雲寒瑤水周王跡汾陰漢武壇當時扈從者詞賦刻巖峴 嵩渚集

西山巖麓無處非寺游人登覽類不過十之二三爾王子衡詩西山三百七十寺正德年中內臣作何仲默詩

光朝四百寺秋日編題名郵驛之詩西山五百寺多傍

邛岑其後增建益多難以更僕數矣 辛齋詩話

王雲鳳避雨玉城寺待孔希大不至作涼雨瀟瀟去

復留伊人何處繫吾愁老僧相見坐無語一院野花

山寺秋 博趣齋稿

皇甫汈永興寺散步詩帝城西覓古叢林萬木寒垂

六月陰庭下閒花齋後偈門前空木定時心 皇甫詩

勲集

顧璘飲普福寺泉亭作夏木雙崖今寒流一澗紆雲

高山路細天遠草亭孤看竹無車馬浮觴卽畫圖吾

儕乘興處不與俗人俱 息園存稿

陳沂普惠寺詩躍馬平沙盡褰衣度石梁山風吹客

帽林日蔽僧堂響落齋時磬烟飄滿處香乍於城市

遠幽思正茫茫 拘虛集

顧璘普惠寺詩綠樹邀行騎青山擁寺門不勞鐘磬

響久厭市朝喧解帶榆烟午鈎簾竹日暄老僧鉏菜

甲隨意具盤飧 息園存稿

顧瓌游西山宿廣智寺待月詩本來游客意欲與月

明期碧海深何許清光望轉遲草香聞露墜林暗見

星垂幸對樽中酒殷勤坐不辭 寒松齋集

何棟登妙應寺迴眺京邑作不上西峯望誰知帝宅

雄星河圍紫極龍虎抱金宮王氣千年在朝宗萬國

同皇圖大其久形勝陋關中 太華集

陳暹廣福寺詩紺院重陰後東風弄晚晴人留雪上

跡灑散月中聲林木 或僧舍山河遶帝城逃禪豈余

日下舊聞卷二十四終

日下舊聞卷二十四終

日下舊聞卷二十四補遺

郊垆六

建文帝壬午遜位至正統復出移入京師大內載于紀傳云云然西山不封不樹之說毫無髣髴使當時果有之于時禁網漸弛何所諱而人遂不一志其處且靖難師至日爬梳搜捕亡遺當日誰敢指后屍誑以爲帝者紀又載葬帝以天子禮夫禮以天子陵寢今在何地既不爲置陵守冢又何云以天子葬乎此兩說者姑以意逆之存疑焉可也

容座贅語

黑龍潭前平原廣畝之間禾黍旣登秋風落寞出一石碣題曰大內遷出二棺之記旁書宛平縣令名無年月無封樹徬徨久之恨未能考所始也

青箱堂集

烏龍潭度高嶺卽臥佛寺嶺名半天雲圓如髻度一嶺一髻復起如是者十三始登其巔四面皆童山雖無草木而石最可觀鐘鼎旗鼓墩柱樓閣龍虎之形畢具有石大如室中一綫若鋸分者而內有石釘復連不斷又有石欹側嶺上欲墜中一穴可容身入內空處五六尺可跌坐上復有二竅甚明朗又有方石三四丈黑色紫紋如梅花瓣瓣中有細竅取澗水灌之四面溢出如珠蓋諸竅宛轉相通天下奇石無踰此矣下嶺三里許復值一嶺如磨盤每盤直下三百步凡五十四盤至山腰嶺盡得石坡路甚滑又七八里爲廣泉寺山行雜紀天定二十九年閏月作瀘溝石橋明昌三年三月癸未瀘溝石橋成金史章宗紀

朱存器爲修內司使嘗夜行瀘溝橋獲金一囊坐而待其主以付之其人請中分存器笑而遣之元史列傳

于奕正太古洞詩古洞闕秋光幽窈不可捨我欲探其奧呼僧列炬入蝙蝠觸烟驚已墜復飛集直下若習井雖寒不能濕石乳挂四圍彷彿百怪立闕歷逃近遠但視光所及石罅伏深潭僧云龍所蟄靜聽恍有聲習習涼飈吸心動欲引還炬短石逾溼附壁苔染身足滑力不給一綫逗天青黃葉飛正急樸草

甲戌夏四月金主南遷留太子守中都金主行距涿契丹軍在後至良鄉金主疑之欲奪其元給鎧馬還官契丹軍驚遂殺主帥素溫而叛共推斫荅比涉兒札刺兒爲帥而還中都福興聞變遣軍阻盧溝使勿得渡斫荅

等使其裨將塔二兒帥輕騎千人潛渡水腹肯擊守橋  
眾大破之盡奪衣甲器械牧馬之近橋者聖武親征記  
元時盧溝橋畔有符氏雅集亭見蒲道源閒居叢藁袁  
侑清容居士集謂之酒亭貢奎雲林集謂之野亭袁詩  
云茅屋踈煙報午雞金沙清淺水亭低則謂之野亭可  
也貢詩云祭此一畝宮而有靜者居濁醪得釀法好客  
時與俱則謂之酒亭可也黃圖雜志

卓人月盧溝橋題逆旅主人壁詩春暉炙人如秋陽  
百里無樹皆大荒深渡淺渡馬足白輕沙重沙人面  
黃酸醯滿甕稱酒美健女負擔欺男虺艸莽不知定  
島意舉頭但歎長安長蔡淵集

城百四十餘尺恐暴水爲害請閉之從之金史世宗紀

正德中錢寧建碧霞元君廟于石徑山窮極壯麗都人  
歲以元日往祠至四月士女又羣集世宗踐阼之初遣  
給事中御史主事三員往毀之嘉靖元年二月礮石于  
廟址之南於是建寧李默爲文以志毀廟本未曾幾何  
時而中官董某復建焉可謂無忌憚者矣戴斗夜談

齋堂村在西山之北百餘里產四眉石處也元豫章熊  
自得偕崇真張真人往居撰燕京志歐陽元功張仲舉  
皆有詩送之元功詩云先生去隱齋堂村境趣佳處如  
桃源西出都門二百里山之蓋崖水浩壘一重一掩一  
聚落一溪十渡深而渾羊腸險逕掛山腹蜂房小屋粘  
雲根立當阨塞若關隘視人行沃同川原市朝甚邇俗

塵遠土產雖少人烟繁鉏畚稊陸宜菽麥樹柵作囿收  
雞豚園蔬地美夏不燥煤炭價賤冬常溫前年熊郎入  
賣藥施貧者藥人感恩熊君携笈今就子繞舍木葉書  
續繡崇真真人又繼往况是偃佺之子孫紫簫夜吹遼  
鶴至林響谷應松風喧登高東望直沽口海日湧出黃  
金盆應憐舅倩戀象闕坐羨麗公歸鹿門仲舉詩云燕  
垂趙際中有村正在西湖之上源源頭落花每流出亦  
有浴鳧時在甕隱君葺茅據幽勝髮髯小莊如陸渾環  
之蒼松數十樹拔出太古虛無根攢峯疊壁何盤盤地  
多磽礧少平原先生生計雖苦薄最喜靜無人事繁黃  
精木肥木苗脆壇場有爪牢有豚吟詩作畫百不理一  
家咲語常春溫功名祇遣世塗累飽煖已荷皇天恩近

燕京志將脫藁貫穿百氏手自繙朱黃堆案墨滿硯鈔  
寫况有能書孫雲晴輒尋羽客去穀熟方來山鳥喧土  
牀炕煖石窯炭黍酒香注田家盆要知精舍白鹿洞不  
待公車金馬門元之大一統志卷帙繁富攷證亦綦詳  
矣而自得復撰燕京志仲舉謂其貫穿百氏必有出于  
大一統志之表者惜乎其書之不傳也

涿水亭雜識

王惲題覺山寺詩山因寺勝寺因山雲自無心景自  
閒懶上方窮遠目黃塵深處是人間 秋澗集

懷獻太子見濟景皇帝長子悼恭太子佑極憲宗第二  
子哀冲太子載基世宗第一子莊敬太子載廕世宗第  
二子俱葬西山 七太子傳

周如砥九日飲興德寺池臺作水色侵衣上花香繞

座聞帝城連遠浦賓雁入寒雲樹杪千山迴池邊衆  
壑分夕烟天闕北回望正氤氳青藜館集

永陵享年既久妃嬪獨多妃三十人惟榮安閻貴妃端  
和王貴妃馬貞妃楊榮妃堊昌平之嶼兒峪其餘葬西  
山紅石口者包宜妃陳翬妃何睦妃王麗妃王莊妃褚  
安妃張常妃彭安妃高正妃耿妃吳定妃李順妃王  
懷妃張安妃于宜妃宋宜妃諸靜妃張和妃杜莊妃王  
康妃趙懿妃陳雍妃文恭妃堊峯峪口者張德妃王徽  
妃沈安妃嬪二十八人葬紅石口者王懷嬪黃御嬪趙  
婉嬪馬常嬪楊常嬪有二劉常嬪有二張常嬪有二劉  
康嬪傅常嬪張昭嬪武常嬪郭寧嬪田靜嬪高安嬪孟  
安嬪宋麗嬪任和嬪王常嬪堊峰峪口者王莊嬪堊惠

嬪陳常嬪王宜嬪張淑嬪姜肅嬪王裕嬪而自后以下  
以罪廢死者不與焉芹城小志

萬壽寺在馬鞍山山後一峰遙聳如紫駝峰是爲極樂  
峰遼時祖師法均說戒於寺加壇焉崇階三城以百廣  
甚容受戒者無筭遺鉢是藏塔于壇下塔傾得舍利的  
磬如雨緇徒什襲乃得諦觀寺又多松率數百年物出  
寺門不判里偃松一株尤奇西山紀遊





